


成案質疑

捕心二

卷二十七ノ二




九二八	漢書門
七五〇	
七五	
冊架函號類	

九二八	漢書
七五〇	
九二八	
冊架函號類	

內閣文庫	
番號	漢 9248
冊數	75 (72)
函號	296 100

七十二





盜犯于結案後首獲又誣人窩盜買贓且商同越獄不應從輕究擬

沈文義

雍正十二年 月刑部議覆安撫王 題廣德州盜犯金萬成等越獄一案查該撫既稱監候待質之金萬成供証已明又越獄脫逃復獲應卽正法等語應將金萬成照未傷人夥盜越獄復獲于本地方正法例卽行正法再查沈文進于行劫事發在逃後聞結案改名潛歸經伊兄鳴保首獲乃沈文進卽誣扳保正朱文義等窩盜買贓則其惡不悛已難按自首減罪之條且又與金萬成等商同越獄更屬悍惡性成法難寬宥乃奉審各官並不按情乞議將盜犯越獄重情援以平常軍流潛逃加等強爲扭合殊屬疎縱應令該撫將沈文進另行按律之擬併將巧爲開脫之承審各官一併查叅再議可也奉





監犯越獄分別治罪

雍正五年十一月刑部議覆廣撫楊 疏稱免死發遣盜犯陳美琚  
起意越獄商之擬絞秋審人犯黃士省邱成顯并本案尙未完結賊  
犯馮伯瑞及盜犯梁卓先袁亞倉各皆久從雍正四年二月二十六  
日黃士省馮伯瑞卽將禁卒吳璋打倒何進等聞喊赴救被黃士省  
等復持磚石擲傷各犯擁出監門時有刑書禁卒疾喊卽捕各官督  
役堵禦各犯將板靠牆上房陳亞四蘓亞晚陳元碧陳聖勳羅亞明  
胡亞則陳亞泰胡正敏胡亞亮黃厚凌亞凡陳亞二李海聚陳接昌  
嚴亞五蔡取行曾大頭梁斬君楊亞長楊亞秋曾能斯邱義兼朱亞  
瑤羅接顯鍾黑骨黃義弘梁悅友黃閏興區亞元黃亞意梁文友張  
亞紹謝亞福亦俱乘機奔逃兵役圍拏傷死陳美琚曾大頭梁斬君  
楊亞長楊亞秋五名餘俱獲回羅亞明受傷身死陳聖勳胡正敏胡



亞亮蔡取行曾能斯取供後病故歷審不諱查越獄脫逃之例未有  
議及命案今黃士省邱成顯係命案擬絞監候之犯應否將伊等比  
照免死發遣盜犯越獄脫逃被獲例擬斬立決抑或將伊等仍照擬  
絞之罪立絞邱義兼等應比照強盜已行不得財律杖一百流三千  
里仍照越獄脫逃例加罪但律載加罪止于杖一百流三千里等語  
今可否將邱義兼等照免死戒等盜犯解部充發將黃厚等擬以徒  
杖具題除陳美琚等已故不議外查律內犯罪越獄在逃者各于本  
罪上加二等等語黃士省邱成顯俱係擬絞人犯今又越獄脫逃應  
均照原擬絞罪立決邱義兼等越獄脫逃不應擬流應各僉妻解部  
刺字發遣馮伯瑞梁卓先袁亞倉陳亞四蘓亞晚陳元碧應于彼案  
審明從重歸結未曾拒捕竊盜黃厚凌亞凡陳亞二應于本罪上加  
二等徒二年至配所責三十板照例刺字刑書胡遇顯禁卒胡璋等

審無賄縱情弊應無容議其疎忽之番禺縣典史范繼仁知縣唐祖  
武逃犯已經全獲相應免叅捕拏兵役已經分別給賞均毋庸議又  
稱監斃陳聖勳等五名之管獄官係典史范繼仁承審官係知縣唐  
祖武但各犯于取供後病故合併聲明等語應將監斃流犯一名之  
典史范繼仁照例罰俸三個月又監斃杖罪胡正敏胡亞亮蔡取行  
之典史范繼仁照例罰俸一年承審監斃五名之知縣唐祖武照例  
罰俸六個月奉

旨依議



獄在逃

疎脫人犯越獄管外封治罪

康熙三十八年四月刑部議覆直撫李光地咨稱獄卒蕭二等疎脫  
 行劫周鎮家案內免死減等賊犯王可立吳大陳二一案于康熙三  
 十七年九月初三日夜因禁卒蕭二睡熟以致王可立等擰鎖踰牆  
 而逃歷審蕭二並無賄縱情弊應將蕭二擬徒其刑書王洪奉文差  
 遣與管外封之獄卒吳自印均應免議等因蕭二合依獄卒不覺失  
 囚減囚罪二等律杖九十徒二年半至配所折責三十五板該撫雖  
 稱吳自印係管外封免罪但自印係備行巡邏之人不便遽行免議  
 亦應照律徒二年半至配所折責三十五板王洪既稱奉公差遣并  
 此案疎防已經題叅均毋庸議奉

旨知道了



盜犯越獄踰城兵丁問重杖

康熙三十年 月刑部覆據江撫鄭 疏稱山陽縣監犯薛明斗等  
 越獄一案該縣刑房典吏王道隆於二十九年七月初七日輪應值  
 宿因典史進監點驗各盜錄簿歸入號房三更時分各盜乘吏卒睡  
 熟將刑具互相解脫踰牆越獄而遁並無賄縱情弊據此趙永陳明  
 合依獄卒不覺失囚減囚罪二等律徒三年至配所杖一百折責四  
 十板王道隆合依司典減獄卒罪三等律徒一年半至配所杖七十  
 折責二十五板俱革役至各盜越城雖在無人之處但防丁劉有爵  
 失于防範合依不應重律杖八十折責三十板革退兵丁更夫陳留  
 等既為各盜磚瓦所傷不能追趕應無庸議奉

旨依議



盜犯越獄刑書更夫照禁卒擬徒

康熙三十年七月刑部覆據直撫疏稱賊犯安金等行劫密雲縣田承先并彌陀菴僧人如科一案先經縣審各犯俱自行招認及巡道審訊安金等頓改前供止稱與李五韓榮高二行劫僧人如科並無裴惟乾閻二周小宇施承恩且行劫田承先家之處各犯堅稱實係田三挾仇誣扳當經巡道發回質審至二十九年六月二十四日夜閻二李五韓榮周小宇越獄脫逃將安金裴惟乾周小宇監候用三取保候閻二等獲日質審定擬等語該撫將安金等不便即行擬罪且閻二等越獄未獲應將安金等暫行監候俟閻二等緝獲之日質審完結出首之田三亦應取保候質現賍給主未獲者追賂逸賊高大趙大獲日另結禁卒王三等雖無賄縱情弊但不嚴加防範以致閻二等越獄脫逃除李仲有病故不議外王三合依獄卒不覺失



囚減囚罪二等律杖一百徒三年又該撫疏稱刑書吳茂發借稱患病未經上宿更夫張成柱史可智不行週圍巡邏均合依不應重律杖八十等語獄卒既經擬徒其偷安不夫上宿之書辨不行巡邏之更夫反止擬杖不符吳茂發張成柱史可智均合依獄卒不覺失囚減囚罪二等律杖一百徒三年至配所折責仍革役高自成不知伊子為盜應行省釋奉

旨依議

免死發黑龍江之犯越獄仍行發遣


康熙三十六年七月刑部覆浙撫線一信題查王阿貴等係行劫王君采家案內擬斬具題奉

行王阿貴著即處斬張采生杜求昭張漢臣顧進如俱從寬免死照例減等發與黑龍江新滿洲披甲之人為奴之犯收禁石門縣監越獄脫逃旋獲張采生張漢臣應仍發與黑龍江新滿洲披甲之人為奴逸盜王阿貴等獲日另結奉旨知道了



越獄監犯竊放重囚從重治罪

雍正六年七月刑部會看得海康縣監犯越獄脫逃續獲楊千鄺亞  
 四一案據廣撫楊 疏稱緣有譚 聖韜張斗南李妙恩於雍正四年  
 八月內商謀駕船出海搶奪邀楊千入夥張斗南與鄺亞四買米令  
 其挑至船上留鄺亞四煮飯共夥五人至海康縣屬之流沙海面被  
 海安營巡哨官兵盤獲解縣經縣 審供招認為盜內張斗南譚聖韜  
 李妙恩又認行劫徐聞縣監生陳 鳳闕家應將斗南等歸徐聞縣案  
 內審結楊千鄺亞四謀搶未成應 解回原籍吳川縣發落時值連日  
 霪雨未及起解八月二十三日夜 禁卒謝友等睡熟楊千因監牆淋  
 卸起意脫逃潛往禁卒厨灶內竊 取鐵火鉗先將鄺亞四肘鎖扭開  
 鄺亞四復將各犯鎖鑰陸續鉗脫 扭開柵間鎖鑰從倒牆處所越走  
 行至城脚由水門浮出逃散嗣經 緝獲張斗南譚聖韜李妙恩弔出





刑書獄卒審無賄縱情弊招解前署撫常審訊具題部覆將禁卒徐友等分別徒配在案隨又獲回楊千鄺亞四覆訊供認前情無異查李妙恩等均係斬罪重犯已于行劫監生陳鳳闕案內審明正法其楊千等起意偷鉗竊放重囚罪實難追楊千鄺亞四除謀搶未成輕罪不議外應照律擬流具題前來查該撫雖稱楊千鄺亞四謀搶未成但楊千鄺亞四係駕艇出海行劫被獲監禁之犯今又起意竊取火鉗將行劫陳鳳闕家盜犯張斗南譚聖韜李妙恩等鎖鑰扭開致各犯越獄同逃情屬可惡不應照獄囚脫監因而竊放重囚律擬流應將楊千鄺亞四改照罪囚反獄在逃律擬斬監候秋後處決奉

旨依議

搶犯越獄比例治罪

雍正五年 月刑部議覆廣撫楊 疏稱杜玉佳于雍正三年十二月二十二日邀鄔勝斯馮伯瑞飲酒見高起卓持銀買糖未就鄔勝斯即起意搶奪商同杜玉佳馮伯瑞趕至火燒嶺正值高起卓回家鄔勝斯上前搶奪起卓用手推格杜玉佳馮伯瑞上前捉住起卓兩手鄔勝斯奪過兜肚起卓同行崔洪燦持扁挑趕救玉佳伯瑞奔走鄔勝斯拔所佩順刀戳傷起卓左脇棄賊而逸起卓立時殞命崔洪燦拾回原銀歸告屍兄高隆卓報縣獲到杜玉佳等歷審不諱杜玉佳馮伯瑞均合依白晝搶奪傷人為從減一等律杖一百流三千里查馮伯瑞于雍正四年十二月內越獄獲回應照越獄例加等但律載加罪止于杖一百流三千里不得加至于死而所奉越獄加等部文未曾議及軍流等罪之犯今可否將馮伯瑞比照免死減等盜犯



獄在逃

解部發遣聽候部議等因具題查杜玉佳馮伯瑞係跟隨為首殺人之馮勝斯截搶並未傷人應照白晝搶奪傷人為從減一等律僉妻流三千里至配所責四十板刺字內馮伯瑞又越獄脫逃應比照免死減等發遣盜犯之例僉妻解部刺字發遣又疏稱此案獲賊過半且審係搶奪原叅疎防各官應請開復等語查定例白晝搶奪殺人者照竊盜拒捕殺人例擬斬立決竊盜拒捕殺人者照強盜律擬斬立決等語今本案為首殺人之馮勝斯尚未拏獲其疎防各官不應開復脫逃之馮勝斯應令該撫着落番禺縣印捕各官懸賞緝獲審擬具題逾限不獲即將該地方官叅處可也奉

旨依議

滿貫竊盜越獄加等擬絞

雍正十二年正月刑部議覆浙督程 題陳得功郎潘阿長拘摸王相賢銀兩又越獄脫逃一案陳得功竊銀一百二十兩將陳得功依律擬流三千里但該犯又越獄脫逃應照負罪潛逃該犯流三千里者擬絞例擬絞監候刺字查該犯又有行竊湯長文銀兩一案應俟彼案審明從重歸結等因具題應如該督所題陳得功應照負罪潛逃該犯流三千里者例擬絞監候該督既稱陳得功又有行竊湯長文銀兩一案應俟彼案審明從重歸結仍先行刺字該督既稱疎脫獄囚之提牢吏周學詩禁卒陳榮等訊無賄縱情弊先已責懲且該犯已于限內捕獲照律免議守更禁卒何長生已經責革應免重科等語均毋庸議該督疏稱此案越獄之犯在一月內捕獲疎獄各官請免查叅等語應毋庸議奉



白晝越獄刑書止擬不應

康熙四十六年四月刑部會看得越獄賊犯趙三等行竊內黃縣賈  
 耀龍牛驢并趙六扎死劉天祿一案據直撫趙弘燮審擬絞流徒杖  
 具題查趙三知賈耀龍家畜有牛驢糾合現獲賊犯范鴨子等同夥  
 五人于康熙四十四年七月初七日夜越牆進院偷竊牛驢而逸事  
 主賈耀龍按踪追尋至趙三門首遂赴縣控告該縣差役董英赴清  
 豐縣關緝趙三清豐縣復添差劉天祿等趙三聞知卽令嫂兄潘太  
 迎阻伊卽越牆躲入隣居王次吾家劉天祿等帶在潘太向王次吾  
 索捕因次吾抗拒不發董英先將潘太管押赴縣劉天祿等卽在王  
 思家庄安歇趙三欲行奪回潘太糾合伊弟趙六等七人是夜各持  
 械去時劉天祿出門趙六戳傷天祿左乳肚腹等處次日殞命嗣將  
 趙三等緝獲趙三越獄脫逃歷審情真除禁卒張增福崔進已死不



議外趙六合依聚眾中途打奪罪人殺人下手律擬絞監候秋後處  
 決岳羣僧孫五范鴨子除行竊輕罪不議外俱合依為從律杖一百  
 僉妻流三千里至配所各折責四十板王次吾合依不應重律杖八  
 十折責三十板禁卒安玉劉新呂文廣俱合依獄卒不覺失囚律杖  
 一百徒三年至配所各折責四十板均革役刑書宗鑣合依不應重  
 律杖八十折責三十板脫逃之趙三張二俊劉三嚴緝獲日另結再  
 該撫疏稱監斃張增福之管獄官係內黃縣典史何宗海相應附叅  
 查定例州縣監獄吏員典史管獄內監斃一人者罰俸三個月等  
 語應將何宗海罰俸三個月奉

旨趙六合依議應絞著監候秋後處決餘依議 查趙六係伊兄趙三率領  
 打奪今趙六截死天祿應照 律家人打奪家人亦曾傷人以凡  
 人首從論趙三應斬趙六應

援免罪犯越獄脫逃予以不應重杖

康熙五十年七月刑部會看得直撫趙 咨脫逃土六係行竊李坤  
 家案內擬杖之犯于本年三月初四日拿獲歷審並無賄買解役情  
 弊應將王六于本罪上加二等但王六本罪已經援免應照不應重  
 律杖八十釋放至高陽縣知縣陳守劄原叅任俸之處應請開復等  
 因王六合依不應重律杖八十折責二十板查定例笞杖等犯越獄  
 任俸限年督緝全獲者開復等語應將高陽縣知縣陳守劄原叅任  
 俸督緝之案照例准其開復奉

旨知道了



亮商越獄

雍正六年五月刑部奏

旨稱亮商乃肆行劫奪之重犯既經擒獲該撫祖秉圭應交與嚴謫地方監禁防範并委幹員不時稽察以防疎脫今乃交與肅祿無能之知縣沈遴以致重犯八人乘間越獄具祖秉圭疏稱沈遴才具平常冀其勤慎服官猶可勉強供職等語祖秉圭既知沈遴才具平常而以克頑之賊犯令其勉強防範以姑試之有是理乎祖秉圭着交部察議沈遴着革職照疎縱楊廷選之河內縣知縣梅枚監禁之例將沈遴在貴州監禁其疎脫各犯嚴緝務獲俟全獲之日該撫將沈遴釋放奏聞



禁卒受賄縱放監犯

雍正八年十一月刑部議覆鳳山縣禁卒黃燦等受賄縱放兇番居  
 頓物越獄脫逃一案據福撫劉 疏稱緣有山猪毛北葉社兇番山  
 留等殺死阿猴社番男婦巴陵等六命割去首級經前任鳳山縣知  
 縣蕭震會同營汛拏獲北葉已思立番居頓物訊供收禁乃有通事  
 王君陽與黃燦誼屬表親于雍正六年五月二十六日到監探視時  
 值黃燦外出王君陽能通番語居頓物即賄囑其買放出獄先付銀  
 一十七兩俟放回重謝王君陽與黃住黃子俊章旺許合商量至次  
 日復與黃燦商議許銀十五兩黃燦允從遂訂交銀縱放日期至二  
 十九日王君陽在監邊溝內遞銀與黃燦六月初一日夜黃燦將居  
 頓物鎖鑰放鬆并付菜刀與之挖墻王君陽于是夜令黃住瞭望并  
 自用菜刀亦在外墻挖孔居頓物隨即逃出時黃子俊等繼至王君




獄在逃

陽各給番銀五錢令其同引送至東門扒城而遁歷審不諱查居頃物原供只與山留等同行不曾進屋殺人今正兇脫逃未經緝獲質審罪名輕重未定黃燦等未便懸擬相應計贓科罪將黃燦王君陽均照例擬以僉妻安插奉天黃住等及刑書鄭雲各分別擬以杖徒黃燦等各名下所得贓銀均照追入官居頃物緝獲另結等因具題查該無疏內據該縣詳稱于雍正五年閏三月二十三日拏獲居頃物并頭顱一顆刀一把鏢一枝等語是兇番與屍首並獲即應嚴審明確定罪何遲至雍正六年六月初一日夜居頃物越獄脫逃之後只憑居頃物供認與山留等同行不曾進屋殺人遽以正兇未獲罪名輕重未定為詞將受財縱放之黃燦等擬以僉遣奉天與獄卒受財故縱與囚同罪之律不符應令該撫將黃燦等牢固監禁速飭該地方官設立賞格多差幹捕將越獄脫逃之居頃物嚴拏到案詳審

明確一併按律擬具題仍將遲至一年有餘不行詳審取具確供之承審各官查參到日再議奉

旨依議







監候命犯越獄仍問監候

雍正十一年二月刑部議覆江撫謝 疏稱劉維鐸因劉同洽打傷  
 羅節臣向勸被毆奪棍抵傷羅節臣身死擬絞監候六經秋審緩決  
 至雍正九年遵例免提解審詎該犯以監內止伊一人遂萌逃念預  
 窺內監柵欄一木稍朽所帶脚鐐扭頸又年久磨薄乘開肘吃飯私  
 將頭髮紮住鎖簧飯後天晚禁卒曾吉未及看出即與上鎖至是夜  
 五更將盡乘會吉睡熟劉維鐸即開手肘扭開脚鐐攀脫木柵一根  
 趁隙而遁隨用手巾包頭混出城門遇見不知姓名乞丐令其剃頭  
 日間求乞夜宿古廟嗣據捕役胡陞等緝拏到案供認不諱並無賄  
 贖情弊與曾吉等各供無異將劉維鐸遵照雍正七年三月內所奉  
 諭旨仍照本罪擬為監候照例刺字禁卒曾吉刑書蕭道忠等分別擬徒  
 枷號杖責等因具題應如該撫所題劉維鐸合依負罪潛逃之犯本



獄在逃

案以犯情罪尚有可原仍照本罪擬為監候例擬絞監候秋後處決  
 照例刺字會吉合依疎脫監候人犯例杖一百流三千里已於限內  
 捕獲應照律減一等杖一百徒三年至配所責四十板蕭道忠合依  
 提牢典吏例杖九十徒二年半限內捕獲得減一等杖八十徒二年  
 至配所責三十板民壯嚴德應照例枷號兩個月責四十板今犯已  
 捕得應減一等枷號五十五日責三十五板均革役該撫既稱禁卒  
 郭鳳等俱在外監值宿但不小心防範各照不應重律杖八十先行  
 折責發落免其革役捕役吳陞已經給賞均無庸議其代犯剃頭不  
 知姓名乞丐緝獲另結再查定例內監犯越獄脫逃城守官住俸外  
 委官停其拔補限一年緝拏拏獲開復等語今此案除原叅疎防文  
 職各官先經該撫咨報絞犯陳維鐸限內拏獲業經照例免議在案  
 毋庸再議應將吉安營外委千總楊文通原叅停其拔補之案照例


准其開復可也奉

旨劉維鐸依擬應絞着監候秋後處決餘依議



監犯越獄

雍正九年 月吏部議覆刑部咨稱東撫岳 以陽穀縣監犯柴立  
 汪係砍傷陳治恭案內擬絞監候之犯吳天培小丁係行劫白布若  
 家現在審擬之犯賈克讓係偷竊王占性董其銓二家之犯朱明係  
 偷竊張文燦家之犯張二係楊宗武家被盜案內監候待質之犯于  
 雍正八年三月三十日夜各犯扭開鎖鑰挖孔而出越獄逃走隨將  
 賈克讓吳天培二犯拏獲餘犯遠颺將越獄疎防陽穀縣知縣伊牧  
 等指參再查究寧道呂維炳于監犯越獄之日查勘江南水道工程  
 因公出境合併聲明原抄送吏部議等因前來應將疎獄之陽穀縣  
 知縣伊牧典史劉檀均照例革職戴罪勒限一年督緝該管之樂平  
 州知州潘承權照例罰俸一年按察司唐綏祖巡撫岳 均照例罰  
 俸三個月俱限一年督緝究寧道呂維炳既經公出應照例初參免





獄在逃

其處分仍限一年督緝查呂維炳已調江南淮徐道應照離任官例于現任內罰俸一年未獲逃犯交與接任官照案緝拏奉旨依議

監犯銷門不灌錫及少撥壯役值宿議處

雍正十年三月刑部議覆廣撫鄂疏稱查重犯肘鎖例應灌錫今香山縣監犯陳意欽等肘鎖不行灌錫以致私開越獄至重囚地方每夜應派民壯五名協同更夫值宿今止有壯役二名係屬少撥所有違例職名係香山縣知縣黃圖相應附察等語查例內違令者笞五十官員犯笞五十者罰俸一年應將肘鎖不行灌錫之香山縣知縣黃圖照例罰俸一年黃圖又少撥兵役應照律再罰俸一年奉

旨

捕亡

六十六

獄囚脫監及反



刑書告假重犯越獄以代宿人擬罪

康熙三十八年十月刑部議得直撫李 疏稱王名盛等係擬斬立

決之犯于康熙三十七年九月二十一日越獄脫逃審無賄縱情弊

禁卒張成義王守本均合依獄卒不覺失囚者減囚罪二等杖徒革

役刑書張之銓患病告假托禁卒徐三旺代宿應將徐三旺亦照不

覺失囚律杖徒革役張之銓患病告假應毋庸議奉

旨知道了



監犯越獄之日經承因病告假免議

康熙四十五年三月刑部議覆據直撫李 咨稱宛平縣禁卒孫自龍等踈脫賊犯徐二等越獄一案緣行劫張啟文等家案內賊犯徐二苗大單三同監羈禁於康熙四十四年四月初一日夜驗明財鎖令禁卒孫自龍劉杜仲李自有輪流看守至四更時分均各就寢徐二卽燒點苗大所帶迷人之藥乘自龍等睡熟遂商謀卸下財鎖越獄脫逃旋將賊犯苗大單三拏獲各犯供認情真委無賄縱情弊將禁卒孫自龍等審擬徒罪等因前來孫自龍劉杜仲李自有合依獄卒不覺失囚者減罪二等律杖一百徒三年至配所折責四十板再該撫既稱經承楊國安患病告假並未知情應毋庸議其逸賊徐二嚴緝獲日另結奉

旨知道了

留養之犯越獄

康熙三十九年刑部會議得直撫李 疏稱私鑄定擬斬絞重犯王起俊王鎬武明玉史明水禁卒惠奇貴等不加防範於三十九年四月十二日夜拗開鎖鑰穿墻逾城而遁本月十五日陸續將王起俊王鎬拏獲應遵

古正法但王鎬係存留養親之犯應否加罪發遣聽候部議其惠奇貴等歷審並無賄縱情弊具題查王鎬係奉

旨從寬免死暫留養親俟伊母病故仍照例發遣之犯應俟伊母故後應照例發遣禁卒惠奇貴趙善隆合依凡獄卒不覺失囚者減罪囚二等律各杖一百徒三年至配所折責四十板刑書程章合依減獄卒罪三等律杖七十徒一年半但程章祖母年逾八旬母亦孀居家無以次成下應照例准其存留養親杖一百折責四十板餘罪收贖更



夫劉文亮合依不應重律杖八十折責三十板奉  
旨依議

越獄絞犯仍照本罪定擬

乾隆二年九月刑部會覆原任印江縣典史章秉惠疎防監候絞犯  
趙老三任全之越獄脫逃一案據貴撫張 疏稱趙老三任全之係  
販賣婦女案內依川販為從例擬絞監候之犯于雍正十三年四月  
二十六日夜乘禁卒睡熟將脚鐐手杻用篾片搨脫板斷柵欄踰墻  
逃遁經前撫臣元 將典史章秉惠叅革問協同緝拏章秉惠于  
限內拏獲趙老三止有任全之一名未獲據印江縣知縣徐伉審訊  
各犯雖無賄縱情弊但不加謹防範咎實難辭將叅革典史章秉惠  
刑書戴三英禁卒王國正楊昌秀依律分別擬徒民壯白而清唐能  
更夫李長均擬杖事犯

赦前均免罪已獲之趙老三仍照本罪擬絞監候未獲任全之緝獲另結  
等因具題查律內不覺失囚者減囚原犯之罪二等司獄官典臧獄



獄在逃

卒罪三等等語今章秉惠等疎脫之趙老三等俱係擬絞監候之犯應如該督所題參草典史章秉惠刑書戴三英均合依不覺失囚司獄官典減獄卒罪三等律徒一年半至配所杖七十各折責二十五板禁卒王國正楊昌秀均合依獄卒不覺失囚者減囚罪二等律杖一百徒三年王國正年已七十依律收贖楊昌秀應徒三年至配所折責四十板民壯白而清唐能更夫李長俱照不應重律杖八十折責三十板事犯在屢頒

恩赦以前章秉惠等俱應免罪並免收贖戴三英等仍俱草役該督疏稱雍正七年三月內奉

旨凡疑罪潛逃之犯若本來所犯情罪尚有可原或因不知新定之例一時起意負罪潛逃此等之人當仍照本罪擬為監候着通行各省督撫一體遵行欽此欽遵在案今趙老三係川販為從無知脫逃應仍照本

罪擬絞監候應否援免聽候部議等語趙老三係擬絞監候屢經秋審緩決之犯與雍正七年所奉之

旨相符趙老三應仍照本罪擬絞監候事在雍正十三年九月初三日十一月十四日兩次

恩赦以前相應援免未獲之任全之亦係川販為從擬絞監候之犯與赦款相符應遵乾隆二年三月內

諭旨一併免其查緝該督疏稱此案縣府承審逾限之印江縣知縣徐伉督緝不力之思南府知府史瑗相應附參聽候部議至史瑗年老患病請休經臣具題在案合併聲明等語除思南府知府史瑗已經休致無庸議外應將承審逾限一月以上之印江縣知縣徐伉照例罰俸三個月奉

旨依議



故縱重犯越獄擬絞監候獲犯之日審豁

康熙三十八年閏七月刑部會看得據浙撫張敏疏稱蕭山縣獄卒周英因行劫吳仲旋家盜犯印子成收禁縣監輒聽子成服弟印阿十說合周英焚銀二兩於康熙三十七年七月初八日夜開鎖撬柵縱令子成越牆而出歷審情真將周英等擬以絞徒杖罪援

上諭具題查康熙三十八年三月二十六日奉

上諭內開詔欵不赦等罪不宥等語周英合依受財故縱與同罪者全科至死者絞固監候決候逃囚得獲審豁律擬絞固監俟獲逃犯印子成之日審豁印阿十合依說事過錢與受財人同科枉法贓一兩至五兩杖八十無祿人減一等律杖七十贓銀照追入官盜犯印子成嚴緝獲日另結奉

旨依議



禁卒受財故縱部改絞罪

雍正七年七月刑部議覆署東撫岳 題觀城縣捕役張大任等教  
 令盜犯林琳等首為別案盜犯並禁卒李玖受賄故縱林琳越獄脫  
 逃一案查禁卒李玖將越獄脫逃被獲羈禁之盜犯林琳並不嚴加  
 看守反受銀五兩將林琳鎖鑰放開縱令越獄脫逃李玖不應如該  
 撫所題照獄卒故縱與囚同罪至死減等律擬流合改依受財故縱  
 與同罪者全科至死者絞律擬絞監候秋後處決所得駐銀五兩照  
 追入官捕役張大任劉得祿應如該撫所題俱應照代人捏寫本狀  
 翻告強盜不實律僉妻發邊衛克軍至配所杖一百折責四十板刑  
 書王大棟合依司獄官典減獄卒罪三等律徒一年半至配所杖七  
 十折責二十五板不知賄縱情由之禁卒趙小合依獄卒不覺失囚  
 者減囚罪二等律徒三年至配所杖一百折責四十板俟徒限滿日




獄在逃

遞回原籍交與該地方官嚴行管束該撫既稱聽從林琳往喚捕役  
進監之禁卒李君弼合依不應重律杖八十折責三十板至李政係  
應絞之犯該撫等錯擬流罪例有處分應行令該署撫將承審錯擬  
各官職名查明補參奉

旨李政依擬應絞餘依議

禁卒受賄故縱監犯越獄

雍正九年十一月刑部會看得英德縣禁卒吳滔等受賄故縱監犯  
李德政等越獄脫逃一案據廣撫鄂 疏稱緣監犯黎亞二起意越  
獄與同監盜犯李德政商量于雍正六年十月初三日黎亞二給銀  
三兩令李德政央求吳滔放走吳滔轉與莫元商議莫元嫌其銀少  
黎亞二又許銀三兩吳滔莫元遂應允時有同監盜犯成亞三馮亞  
生何亞二李亞三聽聞黎亞二恐其洩漏禁止聲張許帶同走初五  
日有黎亞二之親戚香粉人至監探望黎亞二密令其在外接應初  
六日黎亞二將銀一錢與吳滔買酒邀莫元共飲黎亞二將許銀六  
兩送交吳滔莫元均分吳滔告以已睡之所牆邊逼近西門可以挖  
牆逃走初七日黎亞二復出銀一分二厘令吳滔買鐵釘一條預備  
挖牆李德政先將睡處地板燒爛二塊用蓆遮蓋初八日黎亞二又





獄在逃

出銀一錢五分令莫元買酒是夜邀請同監禁卒鍾貴等共飲莫瑞  
朱璿各皆酣睡鍾貴支過頭更亦即就寢莫元輪守二更即將李德  
政等六犯鎖鑰盡行開放李德政挖起燒爛地板同黎亞二等扒過  
囚欄用鐵釘挖開墻洞而出逃至西門板籐溜城而下香粉人預先  
在外接應帶領潛逃乃吳滔等前審畏罪狡供委員嚴加覆訊始吐  
實情質之獲匪逃盜李德政等供亦相符將吳滔等擬以絞徒等因  
具題除在外接應之香粉人在家病故取有印甘各結禁卒鍾貴莫  
瑞朱璿取供後在監病故均不議外應如該撫所題吳滔莫元均合  
依受財故縱與同罪至死者絞律擬絞監候秋後處決吳滔莫元各  
得銀三兩照追入官刑書巫祥輝合依失囚司獄官典減獄卒罪二  
等律徒二年半至配所杖九十折責三十五板仍革役俟徒限滿日  
回籍該地方官嚴行管束該撫既稱同監值宿捕役王龍不能覺察

照不應重律杖八十革役先行折責發落等語應無庸議再該撫疏  
稱獲回盜犯李德政係行劫張英案內之犯成亞三係行劫譚洪案  
內之犯應于彼案審明加等從重歸結等語李德政成亞三應歸于  
行劫張英譚洪案內審明加等治罪馮亞生已下行劫譚洪案內正  
法李亞三行劫梁定廣案內斬決梟示在案應將本案出示曉諭  
脫逃之黎亞二何亞二緝獲另結再該撫疏稱典史范九思雖經親  
行點驗各犯如法肘鎖但香粉人到監勾通接應禁卒受賄故縱越  
獄漫無覺察防範殊屬溺職相應附參照例勒令離任委員署理等  
語應將英德縣典史范九思照溺職例革職再該撫疏稱失察衙役  
犯贓職名係原署英德縣事廣州府從化縣別案糾叅知縣胡爾默  
等語查定例衙役犯贓本官失于覺察不及十兩者罰俸一年等語  
應將失察犯贓之署英德縣事胡爾默于補官日罰俸一年再該撫



疏稱本案初次承審不實錯擬罪名係前署英德縣事今實授東安縣知縣陳洪範韶州府知府陳鴻熙前任按察司樓儼二次承審不實錯擬罪名係前任英德縣叅草知縣陳志儀韶州府知府陳鴻熙按察司黃文煒初次二次承審不實錯擬罪名均係前署撫臣傅但知府陳鴻熙按察司黃文煒均奉部駁自行審出改正例得免議其署英德縣陳洪範前署撫臣傅俱係離任在先無從覆審今已改正可否邀免聽候部議等語查定例督撫具題事件部駁再審按律例改正將前審舛錯之處免其議處又定例承問官將應擬斬絞人犯錯擬軍流等罪者府州縣官降一級調用司道罰俸一年等語除韶州府知府陳鴻熙按察司黃文煒俱經按律改正均免議前署英德縣陳洪範巡撫傅既係離任在先無從覆審改正均免其議處外應將承審錯擬之署英德縣陳志儀降一級調用原任按察司

今補江西按察司樓儼于現任內罰俸一年查陳志儀已經別案議職其降級之處仍行註冊奉

旨吳滔莫元俱依議應絞着監候秋後處決餘依議



反獄脫逃官役處分

康熙三十五年十二月刑部會看得叛犯黃應進等越獄脫逃一案  
 據浙撫線 審擬斬絞徒杖具題查叛犯陶明庚等收禁臨海縣獄  
 乃有書辦陳嘉猷欲救陶明庚向黃楚珩借斧送監于康熙三十五  
 年五月二十八日夜陶明庚等持斧砍開刑具欲遁因同案犯人蔣  
 榮生不從黃應進繩勒榮生之頸徐叔可持釘釘榮生耳鼻畢命叔  
 可又用斧砍死禁卒施華各犯踰墻而遁遂經拏獲該撫歷審各認  
 情真除陶明庚已經正法外黃應進黃德貴俱合依罪囚反獄在逃  
 律擬斬監候秋後處決陳嘉猷合比依獄卒與囚金刃致囚反獄殺  
 人律擬絞監候黃楚珩合依常人以可解脫之物與囚者為從減一  
 等律徒三年至配所折責蘇雲合作獄卒不覺失囚減囚罪二等若  
 囚自內反獄又減二等律徒二年至配所折責書辦蔣鳴合依司獄




官典減獄卒罪三等律杖八十均革役失察之臨海縣知縣邢方奕  
交與吏部議又該撫雖稱典史孟維新曾經點視應邀免議等語但  
孟維新失于防範以致書辦陳嘉猷送斧反獄亦應交與吏部議脫  
逃徐叔可嚴緝獲日另結奉

旨黃應進黃德貴依擬應斬陳嘉猷依擬應絞俱着監候秋後處決餘依  
議

盜犯反獄限內拏獲獄卒獄典免罪

康熙五十二年七月刑部議盜犯周胖子等反獄一案據安撫梁  
疏稱周胖子許二徐二高二丁光字李三孫彪宋麻子吳麻子李綸  
李玉程玉俱係行劫陳侯家案內盜犯葉香姜大李四方大江求俱  
係行劫實信冢案內盜犯監禁霍丘縣獄吳麻子姜大李四起意越  
逃商通眾盜已久于五十二年二月初一日內監禁卒曹國臣張子  
英往外買備食米將鑰匙交與外監禁卒秦愷許登照管秦愷許登  
醉臥外監門首周胖子乘空磕開鑰鑰將眾盜鏢鑰通開各拿磚塊  
候典史羅俊帶領吏卒開門點監各盜搶取監門防守木棍一齊打  
出羅俊被打倒地各盜奪門出外街民申天祿等均被打傷直奔出  
城該縣知縣王佳聞知隨率捕役兵丁追擒各盜拒捕被兵役圍住  
打傷擒獲歷審情真將周胖子等擬以斬杖等因具題除吳麻子李





獄在逃

綸葉香汪求李玉程玉方大李四姜大格闖被傷續斃不議外周胖子許二徐二高二丁光宇李三孫彪宋麻子俱合依罪囚反獄在逃律擬斬監候但該撫既稱周胖子等俱係行劫陳侯家案內盜犯應聽彼案審明從重歸結獄卒曹國臣張子英獄典周文郁限內囚已全獲俱照律免罪醉後踈脫囚犯之獄卒秦愷許登俱照不應重律杖八十但秦愷等事在

赦前亦免罪仍革役衙民申天祿等傷俱平復行令該撫照例給賞再該撫疏稱逃犯即時拿獲踈防職名應邀免叅吳鳳子九名係反獄格傷斃獄又在

赦前職名亦應邀免等語應無庸議奉旨依議

監犯反獄印官未曾用錫灌貫鎖門罰俸

雍正九年十一月刑部議覆三水縣監犯陳亞九等反獄脫逃一案據廣撫鄂疏稱監犯陳亞九因自揣罪無可追起意脫逃于雍正八年四月二十日密與同監盜犯江澤達江澤蘭江裔詒商謀各皆先從二十九日陳亞九早起出恭經過廚房門首竊取木柴三條藏于睡板之下待至申刻禁卒鬆放各犯手肘喫飯禁卒亦出自食陳亞九同江澤達等將脚上硬鐐用木柴撬開喚同監盜犯黃亞相鄺天錫李聖鐸孔興佐李達才隨同反獄互相撬開脚鐐又將自首盜犯伍祖仰扭脫頸項鎖鍊挾令奔逃齊至廚房拾取木柴毆傷禁卒梁相茂等扭鎖開門齊擁而出直向南門奔逃守門兵丁梁燦邦等攔阻不住遁出城外官役兵丁協力追擒立即獲回江澤達江澤蘭江裔詒鄺天錫黃亞相伍祖仰李聖鐸孔興佐等禁卒梁相茂等傷

獄囚脫監及反



經平復嗣獲李達才陳亞九歷審各認不諱研訊典史刑書暴卒人等堅供並無賄縱情弊除黃亞相于行劫梁懷德案解審在監病故及行劫梁秉堯梁文斯二案之陳亞九并行劫梁懷德案之江澤達江澤蘭江裔詒鄺天錫伍祖仰已于行劫各本索審明從重加等寃擬均不議外將李聖鐸等擬以斬決軍徒等因具題應如該撫所題李聖鐸李達才毆傷禁卒應照越獄殺傷兵役例擬斬立決梟示孔與佐應照未殺人首盜例擬斬立決該撫既稱禁卒梁相茂陸廷彥劉起洪嚴太李聖魁陳鳳石明均應照疎脫立決人犯例發邊衛充軍刑書何朝簡應照提牢典史例杖一百徒三年但反獄各犯已于限內全獲研訊堅供並無賄縱情弊均應照律免議等語應免議該撫又稱典史沈鳴已經親往點視各犯俱皆肘鎖並無賄縱情弊原叅疎縱各官業經部咨免議等語應無庸議再該撫疏稱所有監斃

黃亞相管獄職名已于行劫梁懷德案內詳報至強盜重犯例應用錫灌實鎖門署縣顧葵因天時暑熱未曾灌錫所有違例職名係原署三水縣今補高要縣知縣顧葵相應附叅聽候部議等語查律內違令者笞五十官員犯笞五十者罰俸一年應將署三水縣事今補高要縣知縣顧葵罰俸一年奉

旨李聖鐸李達才俱着即處斬梟示孔與佐着即處斬餘依議



接應反獄未成照強盜已行未得財科斷

康熙二十年 月刑部看得監犯張五王四與張對亭等糾夥接  
應商謀反獄一案據直撫審擬流杖出首之殷一贊殷得奇應否監  
候合聽部奪等因具題查張五王四等合杜六寄字與希虎山董二  
糾夥辛鬍子等來保接應反獄張對亭令伊子張三邀寶見韶等騎  
馬常械於康熙二十六年五月十二日晚齊至保定府南關空廟等  
候接應迨殷一贊等出首事發關拏逃散歷審不諱除張對亭張三  
病故不議并希虎山辛鬍子孫瓦匠李四俱于各盜案完結外寶見  
韶魏昇平李寧亭李顯臺傳之寶奚朝雲張大張二張四俱照未成  
盜而有蹟跡證見者依已行未得財律僉妻流三千里至配所各責  
四十板寶見韶張二係旂人解部柳號兩個月鞭一百齊登蔡國旺  
張九金六回子王找子老米尤大于二達子劉箭匠蘇大黑杜六王



九成張四俱照強盜窩主共謀不行律杖一百各折責四十板齊登  
 蔡國旺張九尤大于二達子劉箭匠蘇大黑王九成係旂人解部各  
 鞭一百老米亦應杖一百係食七品官俸監生應交該部議張五等  
 供出同謀反獄各犯除仲傑等九名已正法不議外魏林張四取虎  
 王二秦二李二傻子俱係監候賊犯已經援免但同謀反獄亦應改  
 照強盜窩主共謀不行律杖一百各折責四十板魏林張四取虎係  
 旂人解部鞭一百別案監禁張五等二十七名俱于各原案歸結脫  
 逃李崑山等嚴緝獲日與劉士旣質明另結王胖子等審係無干無  
 庸議所獲馬匹器械驢頭各變追入官失察私馬職名俟該撫查明  
 具題再議出首反獄之殷王贊殷得奇行令該撫俟王才等一案具  
 題之日將原謀反獄人數並所犯罪之重輕逐一開明具題再議奉  
 旨依議

罪囚反獄

康熙四十四年二月刑部議韓名臣家被竊繫峙縣知縣程 將另  
 案竊賊喬國正供拔之張吉等指爲此案真賊疊行夾訊復縱捕役  
 弔拷久羈監內以致張吉等聽信另案斬犯任相臣教誘打死禁卒  
 二命各犯越獄而逃迨後拿獲張吉旣永法張廷宣夾審傷重殞命  
 程 竟以病故申覆又程 審竊賊喬國正供拔之杜才復刻意枷  
 責致斃今據晉撫疏稱程 當日將張廷宣夾審緣竊賊喬國正供  
 拔後疊行夾訊則因已正法犯人任相臣與張吉等同謀打死禁卒  
 越獄脫逃則廷宣亦係預謀之犯已非無罪之平民再枷責杜才亦  
 緣喬國正之供拔且杜才于釋放後病故與故勘平人者有間將程  
 等仍照原擬具題前來查程 旣稱將張廷宣因喬國正供拔審  
 無贓據卽應釋放旣無贓據又酷刑久羈以致張廷宣聽信已正法



任相臣之言反獄脫逃豈得謂非無罪平民又杜才並非此案之盜亦因喬國正供扳審無贓據又刻意枷責致斃豈得謂與故勘平人有間揆此程了承審竊賊拘拿平民濫用酷刑明有勒索情弊若無此等情弊何以程將張廷宣夾斃詭稱病故申詳其已正法任相臣等反獄打死人脫逃程止稱任相臣越獄脫逃並未將打死人之處申覆且律內罪囚反獄在逃者無論犯人原罪之輕重但謀助力者皆斬等語張吉甌承法張廷宣馬興同已正法之任相臣反獄打死二人脫逃該撫止將張吉依謀殺人從而加功律擬絞與律不符又此案張廷宣杜才因刑酷斃命白三韓伍子郝應宣俱于被刑後身死薛黑子鄭金俱于夾後不知下落衙役趙顯畏罪自縊禁卒魏達殷全俱被任相臣打死事關如許人命該撫並未審出真情而固執原擬草率希圖完結不合應請行令該撫另委賢能官員再行

確審真情定擬具題再議奉


旨依議



罪囚及獄及刑書禁卒分別治罪

雍正八年三月刑部會看得陳州禁卒張文義受賄縱囚黃四等杖  
獄脫逃一案據河督田 疏稱黃四係扎死田四擬斬具題嗣經秋  
審奉

旨着候勾到之兇犯與行劫陳州曾進甫家案內越獄復獲盜犯李三趙  
二即趙麻子并越獄未獲盜犯吳入印二趙三即趙三鬍子段二及  
行劫陳州梁其周家案內越獄復獲已經正法盜犯李福薛三并越  
獄逃回家內被伊祖馬蘭芳勒死盜犯馬五并行劫沈邱縣陳明湖  
家案內越獄未獲盜犯詹大兒及行竊陳州杜紹家案內越獄復獲  
拒捕傷人擬軍之李二均在監羈候雍正六年三月十九日印二言  
及在裕州犯案事發黃四即起意越獄向印二等商謀印二等俱各  
依允因禁卒看守嚴緊未得其便至三月二十八日黃四之父黃文





炳赴監門看視黃四暗以欲逃情由告知其父囑令借銀打點黃文炳隨回家借銀至二十九日持銀復至監門看視黃四當向禁卒張文義暗行賄囑令伊放黃四逃走張文義允從黃文炳暗付銀二十八兩給張文義收受黃文炳旋即歸家黃四慮禁卒許國等在傍暗將印二等陸續邀至厥後出恭處所彼此通知期于三十日點封時候逃走至三十日張文義隨將黃四鑰鎖放開伊即託故回家至日夕適有過解流犯到州開監收禁黃四聲言乘機逃走即取牆邊置放鉄錘先將吳八趙二鬍子鑰鎖打開吳八隨將磚打倒禁卒許國搯脖子用繩細綁并用衣服蒙其頭面薛三等亦用鉄器各將所帶鑰鎖互相打脫執持磚塊乘禁卒李全李國棟張斌刑書陳有學不及防備俱行打昏悶倒在地守門皂隸賈斌李亮李魁元李松上前攔擊亦被打倒看守東門營兵李國和失于防範各犯

俱由州城東門而出奔逸經該州聞喊出視訊知情由傳集各役同營弁追至城外拏獲盜犯李三趙二及竊盜李二嗣復拏獲薛三黃四并關獲李福到案歷審供認不諱除黃文炳在監病故李國棟在祥符縣監病故及營兵李國和亦經病故馬五已被伊祖馬蘭芳勒死取具印甘各結送部及李福薛三已經正法外將黃四擬斬立決等因前來查該督既稱黃四係拒捕殺人擬斬秋後處決擬以情實又經越獄脫逃應如所題黃四應照負罪潛逃該斬監候者立斬例應立斬李三趙二應照未殺傷人夥盜越獄脫逃復獲照殺傷人之夥盜于本地方擬斬立決例擬斬立決但李三等行劫裕州謝吉家之案尚未審結具題應令該督將李三等于被獲處監禁俟彼案關會明確從重歸結竊賊李二合依罪囚反獄在逃者斬監候律擬斬監候秋後處決仍刺字禁卒張文義合依受財故縱與囚同罪罪



獄在逃

止擬絞固監緩決候逃囚得獲審豁律擬絞監候俟逃囚全獲之日  
令該督定擬具題許國李全合依囚自內反獄又減不覺失囚罪二  
等律徒二年至配所杖八十折責三十板該督既稱刑書陳有學合  
依囚自內反獄在逃司獄官典減獄卒罪三等律杖一百折責四十  
板革役先行發落其外監禁卒張斌劉正昂隸李亮李魁元李松俱  
審不知情均無庸議張文義所得銀兩照追入官越獄脫逃之吳八  
印二趙二即趙二鬍子段三詹大兒應令勒緝務獲另結其馬蘭芳  
勒死馬五之案亦應令該督審明另結再該督疏稱監斃徒犯李國  
棟之管獄官係祥符縣典史金得章失察禁卒犯贓係陳州知州林  
相應附叅該州自行審出例得邀免等語除陳州知州林 失察  
犯贓自行審出無庸議外應將監斃徒犯李國棟之管獄官金得章  
照例罰俸六個月奉

古黃四着即處斬李三依擬應斬着監候秋後處決張文義依擬應絞着  
監候餘依議

卷二十七 捕亡 八十七 獄囚脫監及反



監犯反獄

雍正十一年五月刑部會議覆開平縣盜犯張雲樞係行劫客民林盛利等貨船案內盜首被獲監禁自揣罪無可追起意脫逃于雍正九年十二月二十九日商知同案監禁夥盜胡際世張述刺張鳳雲張際璞吳宜長張際福張緒丕及行劫馮廷栢家案內之簡勝茂李德參李德保鄺天山各皆允從是夜乘縣捕點視之後又值禁卒侯元安及提牢典吏何信各往監尉不及隄防張雲樞即于監內欄柵搖拔鉄釘一口與簡勝茂胡際世相替撬斷鎖橋脫出肘鎖約定是夜及獄脫逃適禁卒侯元安等開柵送飯張雲樞即喝叫監內各犯一同逃出張雲樞樞胡際世先將禁卒侯元安許煥張業貴踢打倒地與簡勝茂各持石塊打開各犯肘鎖擁出外監又遇行竊區擴美等牛隻案內賊犯張傑針聞喊逃出簡勝茂亦代為打開肘鎖各用監



厨內鍋碗及肘圈等物打倒禁卒陳彩黃成謝羨梁閏及提牢典史何信走至大監門口同簡勝茂等用石打開監門鍊鎖扭扳柵門一齊擁出禁卒黃勝出監喊報官兵追擒而李德叅簡勝茂張鳳雲張緒丕張述剩又拒捕兵役各有微傷隨先後獲回李德叅等十一名陸續緝獲張際福胡際世二名歷審不諱除盜犯張緒丕張際福禁卒梁閏陳彩取供後保候在外病故張雲樞張際璞吳宜長先于行劫林盛利貨船案內擬以斬梟張鳳雲胡際世張述剩擬斬監候均請于彼案歸結不議外簡勝茂李德叅下手打傷兵役擬以斬梟李德保于行劫馮廷相案內部議免死發遣今又越獄脫逃擬以斬決鄺天山于行劫馮廷相案內擬流加徒張傑針于行竊區擴羨案內審擬杖流今又夥同越獄應擬斬候禁卒侯元安許煥張業貴黃成謝成謝羨擬軍提牢典史何信擬徒等因具題應如該撫所題簡勝茂

李德叅均合依強盜越獄殺傷兵役例斬決梟示李德保合依發遣之犯越獄脫逃照未殺人之首盜例擬斬立決鄺天山張傑針均應照罪囚反獄在逃但助力者律擬斬監候秋後處決該撫雖稱禁卒侯元安等應照疎脫立決人犯例發邊衛充軍提牢典史何信杖一百徒三年等語查張雲樞等于白晝反獄打傷禁卒擁出監門與不行防範致人犯疎脫者有間應將禁卒侯元安許煥張業貴黃成謝羨黃勝改照囚自內反獄在逃減不覺失囚罪二等律徒二年至配所杖八十折責三十板俟徒限滿日回籍交與該地方官嚴行管束典史何信亦應改照司獄官典獄卒罪三等律杖一百遇熱審減一等杖九十折責三十五板該撫既稱各犯係于白晝反獄所有防夜更夫民壯兵丁應請免議至典史周永已經親往點視並無賄縱情弊等語均無庸議再該撫疏稱監斃盜犯張緒丕張際福管獄承



審各職名已于行劫林盛利案内開送禁卒梁閏陳彩于取供後保  
候在外病故管獄職名無憑查開至承審病斃二名例得免議職名  
毋庸開報等語相應均免其查議再該撫疏稱本案逃犯十三名陸  
續已經全獲原參疎防各官應否寬免聽候部議等語查此案原參  
疎縱文武各官已于初參案内逃犯全獲均各照例免議在案應毋  
庸議奉

旨簡勝茂李德參俱着即處斬梟示李德保着即處斬鄺天山張傑針俱  
各依議應斬着監候秋後處決餘依議

徒流人逃

發遣罪犯潛回行竊失察處分

康熙五十七年六月吏部覆東撫李 疏稱商河縣地方有先年犯  
罪發遣福建之楊看詔私自逃回在家容縱子侄楊索子等勾結匪  
人慣行劫竊差兵拿獲其商河令胡岑齡平日既不留心地方容奸  
玩盜置若罔聞昏庸溺職所當糾參等因具題應將商河令胡岑齡  
照溺職例革職奉

旨依議



遁解免死盜犯到部上號驗批之後交明長解疎脫遁解文武官免議

康熙四十五年十二月刑部覆直撫趙 咨稱江南丹陽縣長解孫隆押解免死減等盜犯李三行至京城禁市口脫逃一案拱極營把總趙鼎撥兵馬大郝泰運良鄉縣典史李海差役平萬倉田應江護解進京隨將李三交給長解孫隆管押以致脫逃郝泰運田應江俱患病身死平萬倉取供後在監病故將馬大擬以杖罪咨達前來查郝泰運田應江俱患病身死平萬倉取供後在監病故不議外馬大合依不應重律杖八十折責三十板仍革除名糧脫逃免死減等盜犯李三緝獲另結至僉差不慎之丹陽縣知縣張經并長解孫隆已經議處在案應毋庸議再該撫咨稱監斃平萬倉之管獄官係良鄉縣典史李海相應附叅查定例州縣監獄係典史吏目專管監斃一



名者罰俸三個月等語李海濶俸三個月奉  
旨知道了

盜犯藥迷營兵脫逃

康熙四十四年四月兵部准直撫李 咨稱沙河縣營兵逃解發往  
寧古塔人犯馬起龍脫逃一案實因兵丁被其巧計藥烟昏迷乘機  
脫逃並非疎縱且一犯二解似與僉差不慎者有間除盜犯嚴緝務  
獲外武弁沙河縣千總楊伏時職名應請邀免等因前來查該撫既  
稱撥兵二名逃解一犯並非僉差不慎武弁職名應請邀免等語除  
逃犯令嚴緝務獲外應行該撫知照可也



賊犯毆斃解役脫逃仍叅知縣僉差不慎

康熙四十八年二月江撫郎 疏稱廣東暹解免死減等賊犯黃聖  
賓梁亞平等一起共二十四名打死解役船戶脫逃一案據解官周  
發等供稱黃聖賓等強悍不法不肯分行擠擁一船時值黃昏風雨  
驟至後船被淺曠野天黑各犯扭解肘鎖即取船上劈柴鐵器柴棍  
毆斃解役船戶俱皆逃走等情所有僉差不慎係太和縣知縣寶如  
迨等武職係萬安營把總郭大宗守備李斌理合題叅奉  
旨寶如迨等著議處具奏該部知道

減等盜犯脫逃

康熙五十二年正月吏部議得浙撫王 疏稱程庚程其茂係奉  
旨免死減等發與黑龍江之盜犯准福建咨解赴部于五十一年四月初  
十日夜至建德縣城南脫逃將僉差不慎職名蘭溪縣令朱士弘等  
題叅前來應將蘭溪縣令朱士弘分防蘭溪把總侯有升照例住俸  
戴罪督緝奉

旨依議



發遣黑龍江人犯逃回叩 關卽行正法

康熙五十二年九月刑部會看得夾訊山西民弘和基供我本名叫何大我謊稱無妻子四十九年七月內央媒人劉氏等相看北城民張潤之姊爲婚留下鍍金簪一枝爲聘張潤不接將簪退還與我我到張家理論又持刀進內將張潤之妻嫂頭髮揪住恐嚇他因此在部內審理將我并原配之妻 氏發往黑龍江鑲白旗四達子爲奴因每日受苦不過去年二月二十五日我自身逃回在京恐怕查拿改名弘和基到古北口外各處躲避又無個生路因此叩

關若僥倖

聖主將我所叩之處行了可將我前罪開釋這是我該死有何辨處等語查定例發遣之犯若逃回又行拐賣人口或爲竊盜之事交與該將軍卽行正法等語弘和基係發遣之犯希圖僥倖妄瀆叩



閩情罪甚屬可惡應將弘和基押交該將軍在此處卽行正法再弘和基  
係發遣之犯該管官併伊主並不嚴查任意放縱脫逃將該管官伊  
主職名查送到日交部議處再行文黑龍江等處嗣後有此等逃走  
之犯卽行報部臣部轉行人旂五城步軍統領嚴拿送部審理俟  
命下之日遵行可也奉

旨依議

遣犯逃回援免逃罪

乾隆元年四月刑部會看得免死減等盜犯羅亞海從發遣處逃回  
被獲一案據廣撫楊 䟽稱緣羅亞海係雍正四年九月初六日夥  
同盜首林伯昌等行劫順德縣周萬常禾船案內之夥犯經前撫鄂  
審擬斬梟并聲明情有可原具題部覆行回將羅亞海免死減等  
解部發往吉林烏喇地方撥給披甲人爲奴在案羅亞海因念有母  
黃氏在籍假以上山種地乘機脫走沿途求乞及摘取高粱菓瓜充  
飢過夜歇宿古廟荒林於雍正十二年六月初五日回至粵東路經  
曲江縣屬平蒲地方被始興縣差役陳鳳見其形跡可疑回刺有字  
獲解回縣屢審不諱將羅亞海擬以卽行正法牢固監候俟部覆行  
回解部發往原處卽行正法等因具題經臣部查羅亞海從發遣處  
逃回原籍廣東被獲例應查其分給爲奴之旂色佐領并伊主姓名



於何年月日脫逃之處方可定擬隨行文寧古塔將軍查明報部去  
後續據該將軍覆稱羅亞海係賞給正黃旗都希佐領下兵丁愛於  
希爲奴於雍正十一年七月初四日脫逃等語復查該撫疏內據羅  
亞海供稱係雍正十一年六月二十六日逃走主兒名叫黃嘉輔等  
語臣部因該將軍咨覆該犯脫逃日期并伊主姓名俱與該犯所供  
之處均屬不符不便草率定議隨行文廣撫作速訊明該犯確供咨  
覆以便定擬去後今據該撫楊 覆稱該犯羅亞海供稱原係發在  
正黃旗愛於希家爲奴實於雍正十一年七月初四日往種山地乘  
機逃走前因記憶不清故此錯供等語是該犯所供脫逃日期並旂  
色伊主名姓均與部行開載相符等因咨覆前來應如該撫所題羅  
亞海合依免死減等遣犯逃回潛匿被獲在拿獲地方正法例擬斬  
立決再查該撫疏內備載羅亞海供情因伊母無靠掛念回家逃後

並無爲匪情事及羅亞海逃回之處情稍可原事在雍正十三年九

月初三日

恩赦以前可否免其逃罪仍發回原遣所之處恭候

諭旨遵行其失察羅亞海脫逃之該管各職名應令該將軍作速查明送  
叅再該撫疏稱該犯回至曲江縣地方未到籍即被始興縣差役  
拿獲沿途并無窩留之人所有沿途及原籍地方各官失察職名應  
免查叅其始興縣知縣孫嶸拿獲逃犯職名相應開列聽部議叙等  
語除盜犯羅亞海逃回原籍之處該撫既稱尚未到籍沿途並無窩  
留失察等語所有沿途及原籍地方各官均無庸議外查定例盜犯  
從遣所逃回地方官有能拿獲一名者紀錄一次等語應將拿獲逃  
回盜犯之始興縣知縣孫嶸准其紀錄一次奉

旨羅亞海着免死仍發回原遣所餘依議



遣犯在配脫逃分別治罪

乾隆元年八月刑部會議覆發遣盜犯李廣子在配所脫逃一案據黑龍江將軍烏禮布等咨稱查得趙二等行劫陳壽禮等案內免死臧等發遣盜犯李廣子于雍正十二年五月內解到給與墨爾根城鑲黃旗稽勒德佐領下披甲烏森保為奴乾隆元年四月二十五日李廣子脫逃報部五月二十二日據鑲白旗他里烏兒佐領下披甲趙拖家人克德納在鄂爾和坤地方將李廣子拏獲解送應將李廣子禁錮俟部文到日即行正法等因應如該將軍所擬李廣子合依免死臧等發遣人犯在配脫逃被獲之日于發遣處即行正法再該將軍咨稱據李廣子供我主子不給飯吃又不時打罵因此我逃出各處遊蕩到鄂爾和坤地方被獲我逃走時並沒為匪等語查核李廣子供詞實係伊主不給飯吃逃走覓食致被拿解推原其情似屬



可憫臣查定例內凡免死減等發遣人犯在逃潛匿者被獲之日照例卽行正法其平常發遣人犯逃走後如無行兇爲匪之事于發遣處枷號兩個月鞭一百交與該管處嚴行管束又定例內平常發遣人犯又復行兇爲非犯該斬監候者改爲立斬犯該絞監候者改爲立絞犯該徒罪以上者均改爲絞監候犯罪止笞杖者照例枷號兩個月之外再枷號一個月等語查節年拿獲免死發遣人犯案內有實係不服伊王約束私行脫逃各處潛藏者亦間有衣食不充及思念父母私自潛逃者更有在逃之後恣意爲非干犯法紀者又或並無行兇爲非之事止在逃潛匿者在免死發遣人犯較之平常發遣人犯原犯罪名固屬較重但潛逃之後或並無爲非或恣意犯法情罪實有不同若不論其情罪輕重一槩立置重辟似未允協臣等細繹律例反覆思維請嗣後免死減等人犯除不服伊王管束脫逃潛

匿復行兇爲匪者仍照例卽行正法外其或因覓食或因思親等類私行脫逃並無行兇爲匪者若照例卽行正法似屬稍重若照平常發遣人犯逃回並無行兇爲匪例枷號兩個月又屬過輕請照平常發遣人犯脫逃後復犯笞杖例于發遣處枷號三個月鞭一百仍交與該管處嚴行管束倘蒙

聖恩俞允卽將李廣子發原遣處枷號三個月鞭一百仍交伊王嚴行管束奉

旨依議



遣犯逃回行竊援免枷號改發內地

乾隆二年十二月刑部咨准步軍提督鄂 等咨送大興縣民偏兒  
從發遣處逃回行竊一案審據偏兒供我係大興縣民今年二十一  
歲於九月二十五日在鼓樓大街將六兒車內放着的布衫木梳等  
物偷了走時就被拿獲我從前雍正十一年十一月內因偷了人的  
錢被獲在提督衙門將我面上刺過一次字又十二年四月內偷了  
人的涼帽被獲提督衙門又將我面上刺過一次字八月內因偷了  
人的小鼓等物被獲將我送到部裡於十三年二月內將我面上刺  
了字發往鄂爾坤種地後乾隆元年九月內我自鄂爾坤地方跟隨  
不識姓名人的糧車逃回進京看我母親我在沿途乞食並未為匪  
我到了京裡母親已經死了家裡並無妻室是實等語查例內平常  
發遣人犯逃走後有行兇為匪者照例於發遣處卽行正法如無行



究為匪之事於發遣處枷號兩個月鞭一百等語又定例平常發遣人犯逃走後為匪罪止笞杖者應於逃回無行竟為匪例枷號兩個月之外再枷一月等語今偏兒三次行竊發鄂爾坤種地逃回復行偷竊衣物應照竊盜贓一兩以下杖六十律杖六十折責二十板仍刺字遵照定例改發雲貴川廣烟瘴少輕地方交與地方官嚴行管束其所犯逃罪應行枷號之處事在乾隆二年四月十六日

思詔以前應免治罪現竊布衫等物提督處已經給還事主應毋庸議應將偏兒咨送兵部轉發廣東烟瘴少輕地方交與地方官嚴行管束可也合咨前去查照施行

少差解役致犯脫逃

雍正四年四月刑部會議覆東撫陳 疏稱有江省免死減等解部發遣盜犯丁自由等七名由歷城縣通至齊河縣因署齊河縣事知縣魏壯在鄉散販典史虞國璽代為僉差票內雖填解役十四名實止韓志果等四人押解迨解至禹城縣又不接收以致丁自由等將解役韓志果等打倒奪取文牌一齊開鎖而逃今已獲王六張八李五三名除勒緝丁自由等并解役營兵有無賄縱情弊嚴審招解外將僉差不慎及少差解役之齊河縣典史虞國璽等一并附奏前來查僉解重犯例係一犯二解今典史虞國璽並不照例僉解虛填解役名姓怠玩已極應將典史虞國璽照溺職例革職禹城縣知縣虞承綸違例駁回以致盜犯免脫殊屬不合應將禹城縣知縣虞承綸照例降四級調用查有加二級抵銷仍降二級調用其解役韓志果



等應令該撫作速審明定擬具題已獲盜犯作速解部脫逃盜犯丁  
自由等嚴緝務獲可也奉

旨依議

少撥兵丁致犯脫逃

雍正十二年九月刑部議覆東撫岳 題嶧縣遞解廣東免死減等  
盜犯童六等至滕縣拒捕脫逃一案李康泰合依中途脫逃盜犯被  
別省拏獲卽照未殺人之首盜擬斬在于拏獲之地方立決例擬斬  
立決卽在拏獲地方正法解役葛起瑞等除少撥兵丁不行稟報輕  
罪不議外葛起瑞劉仲義李盈張大成邵停車崔應著尹席譚守貴  
陳瑞張倫係疎脫免死減等盜犯俱合依押解罪囚中途不覺失囚  
減囚罪二等律各徒二年半至配所折責三十五板俟徒限滿日交  
與該地方官嚴行管束解役胡見臣劉順赴營粘貼印花解役趙明  
善王公明先往滕縣投文管兵鄧見赴營交差俱事屬因公但不將  
少撥兵丁之處互相稟報應與承派之管隊周廷蘭等均合依兵役  
不足數將不行稟報之兵役及承派之書吏弓兵俱照違制律杖一




百例各責四十板已經發落革役除去名糧船戶喬文瑞原無押解之責均毋庸議未獲之童六陳學賢陳梁惠應令該撫并原籍廣撫勒緝務獲審擬具題其童六之妻陳氏陳學賢之妻凌氏并幼子亞二亞三陳梁惠之妻楊氏逋回原籍取保安插俟弋獲童六等審擬定奪再該撫雖稱少差兵丁職名業經咨革中途潛回兵丁四名已經責革毋庸議等語但查童六等并妻子九名口例應僉差兵丁十一名押解該汛止撥兵五名及押解時實止鄧見一名其餘四名稱係中途潛回並無名姓顯係捏飾再在船看守之解役葛起瑞等十名俱已擬徒赴營投文交差之營兵鄧見擬杖責革而中途潛回兵丁既無姓名又不聲明律擬何罪止稱已經責革情罪殊屬未協應令該撫另行確審按律妥擬到日再議奉

旨依議

遣犯中途脫逃審無行兇為非亦擬枷責發配

乾隆五年十月刑部會議覆漢川縣兵役高進等疎脫免死減等盜犯陸三等一案據湖撫崔 疏稱陸三陸南士俱係江省免死減等發遣雲南烟瘴地方安插之盜犯乾隆四年六月二十四日遁解至湖廣漢川縣地方經原任知縣蘓岱照例移撥兵役高進等轉解二十五日行至天門縣灌海堰地方因晚投宿店中陸三乘兵役睡熟起意潛逃向陸南士說知從前路上拾有鑰匙約同開鎖逃走陸南士先從陸三即代陸南士拽開手鑰陸南士亦代陸三拽開手鑰復各拽開腳鐐將柴壁窰窰先後扒出因聞兵役驚覺各自竄匿兵丁朱三錫用火煤照看始知二犯脫逃喊起眾役分途追赶無獲捕頭雷忠報縣拘訊兵役聞陸南士于二十九日仍回川邑城內被雷忠扭獲到縣屢審供認不諱除勒拿陸三務獲究審并查取僉差不慎





職名題叅外將陸南士依例擬以斬決并聲明情尙可原高進等擬徒等因具題查雍正四年例載免死減等盜犯發遣在途脫逃被獲卽照未殺人首盜擬斬在於拿獲地方立決又定例免死減等人犯在逃潛匿者被獲之日照例子發遣處卽行正法又乾隆元年八月內定例免死減等人犯除不服伊主管束脫逃潛匿復犯行兇爲匪者仍照例卽行正法外其或因覓食或因思親等類私行脫逃並無行兇爲匪者發遣處枷號三個月鞭一百仍交與該管官嚴行管束等語今該撫疏稱陸南士合依免死減等盜犯在途脫逃被獲照未殺人之首盜擬斬在拿獲地方立決例擬以斬決但審係聽從陸三起意脫逃雖被捕役扭獲與自首不同但該犯自川邑解至中途脫逃三日復回川邑城內據稱歸還投首似非狡飾且逃後並未行兇爲匪其情尙屬可原等語查陸三陸南士係跟隨盜首張青行劫崑

山縣事主周應美家題准免死減等發遣二犯押解中途脫逃其陸南士一犯旋即拿獲經該撫審明陸南士係聽從陸三起意脫逃並無行兇爲匪據該犯供稱過了三日心裡思悔恐罪上加罪因此到城原要投首恰被捕役扭稟等語查遣所脫逃免死盜犯並無行兇爲匪者奏准定例罪止枷責今陸南士中途脫逃旣無行兇爲匪實與在遣所脫逃情罪相同若立置重辟輕重似未盡一應將陸南士照免死減等人犯逃後並無行兇爲匪例仍發雲南極邊烟瘴地方交與地方官照例枷責發落嚴行管束并請嗣後免死減等人犯有在中途脫逃除押解兵役追拿該犯逞兇拒捕及逃後審有行兇爲匪情事者仍照例在拿獲處卽行正法外如無拒捕及無行兇爲匪別故亦照在遣所脫逃之例擬以枷責解配管束奉

旨依議



遣犯逃回捉獲解部

雍正八年正月刑部覆署蘇撫彭 咨稱盜犯顧四係同已正法盜  
 首王四等行劫吳江縣地方錢漢三等行舟先經審擬具題接准部  
 覆將顧四免死減等僉妻解部刺字發寧古塔將軍轉發三姓地方  
 披甲人為奴等因行據吳江縣解部發遣至雍正六年三月初一日  
 顧四同在廂黃旂之張二私自逃走張二為之起除刺字到山海關  
 各自分路顧四潛至吳江聞母已死遂匿堂兄顧天瑞船上旋遇表  
 戚楊在榮之船復往幫工行至平望地方為浙江總督差員盤獲飭  
 遞吳江縣研訊該犯供稱因念母親年老逃回及至家時母親已死  
 我就在堂兄顧天瑞表戚楊在榮船上幫工度日往來無定亦無竊  
 劫行兇情事我原不知有發遣處逃回治罪之例并自首免罪的告  
 示如果知道還肯不自行投首致被拿獲等語將楊在榮按擬枷責





并將顧四解部等因前來除顧天瑞未曾到案病故不議外查顧四在發遣處不知有逃回治罪之例亦不知有投首免罪告示且逃回之後並無行充爲匪之事應將顧四補行刺字俟來歲春融之日咨送戶部仍發三姓地方該將軍照例枷號三個月杖一百給與披甲人爲奴行令該將軍將跡脫顧四之該管官照例查奏再該撫旣稱民人楊在榮合依容留發遣脫逃盜犯例枷號三個月杖一百已經折責發落顧四到家隨即上船外出地隣無從查首應無庸議失察職名應免開報等語均無庸議其代顧四毀字之張二獲日另結可也

生員犯事改名發遣後即逃回捏報遊學

雍正十二年十二月刑部議覆順天學政吳 奏送文安縣學作弊生員邢縉改名邢紳發遣逃回托叔邢汝桂捏報遊學又咨邢縉於獲送後遣族人邢煥寫書嚇騙該學教諭邢顯榮訓導任之正銀兩相應咨部查訊臣部訊供在卷邢縉先因考場內傳遞作弊經提督拏獲送部問發山海衛爲民乃伊被獲之時不肯說出正名以致學冊無憑查除至發遣之後旋即私自逃回托伊叔邢汝桂捏呈現在遊學以爲下次考試之地且於拏獲送部後又寫字與本學教官希圖嚇騙銀兩蔑法行私如鬼如蜮情殊可惡不便仍留內地應將邢紳即邢縉照例刺字咨送戶部改發鄂爾坤種地代邢縉遞遊學呈詞之邢汝桂投送書信之邢煥及不將邢縉看守以致該犯私遞書信之禁卒張忠均應照不應重律杖八十各折責三十板張忠仍革



役先行發落其疎脫刑緝之該管官行令該督查叅交部從重議處再查一應軍流及安插為民等犯俱於到配之日取具該管官收管印文嚴加約束倘有脫逃該管官即行申報勒限嚴拏逾限不獲即將該管官疎防職名送部議處今山海關安插為民之犯該管官平時既漫不稽查脫逃亦茫無知覺似此玩忽廢弛誠恐他處亦同一轍應請通行直隸各省嚴飭各屬地方官將安插為民人犯務與軍流等犯一體防範於逃到之日該管官出具收管印文即着令地方保甲人等嚴加約束仍按月點查倘有脫逃即行申報勒限嚴拏除已經申報及逾限不獲之疎防職名仍照在配脫逃例議處其有脫逃之後不行申報或經上司察出或經別處拏獲者將知情隱匿不報之該管官照隱匿不報例降二級調用如止失於覺察仍照軍流徒罪人犯不報查出例罰俸一年再屬衛所管轄安插為民人

犯如有脫逃將疎縱及知情隱匿不報并失察衛所脫逃人犯之該管官應照吏部定例一體議處奉

旨依議





遣犯兩次逃回改擬絞候

雍正十三年四月刑部會議得遣犯朱亞瑤從遣所逃回一案據廣撫楊疏稱緣朱亞瑤先因駕船出洋謀劫被獲在縣監禁審擬杖流後因越獄加等解部刺字發吉林烏喇為奴嗣因朱亞瑤遣所之主病故無依於雍正七年二月初四日在遣脫逃挖去刺字至雍正八年八月初三日甫回原籍未經到家自赴沙灣司巡檢投首經縣審明補刺解部發回吉林烏喇另給采大為奴詎該犯復因喂馬割草辛苦於雍正十二年六月二十五日又在遣所乘間脫逃抵破面上刺字用藥敷脫於雍正十二年三月初三日回至原籍即被番禺縣縣丞差役拿獲解縣歷審不諱查朱亞瑤初次逃回因其自首寬免加罪發回原遣地方另給為奴今該犯不知改悔復又逃回應照雍正七年刑部題准盜案流犯脫逃被獲於本罪上加等擬絞監候



例仍行補刺具題應如該撫所題朱亞瑤應照盜案內流犯脫逃被  
獲於本罪上加等例擬絞監候秋後處決該撫既稱該犯潛逃日則  
沿途覓食夜宿古廟荒林並無窩家亦無為匪到籍之日即被拿獲  
所有沿途及本籍官員失察職名應免查開等語相應免其查叅再  
該撫疏稱吉林烏喇應聽部出各行彼處查叅等語應令寧古塔將  
軍將踈脫為奴人犯朱亞瑤之該管各官職名查明送部會同兵部  
查議奉

旨依議

遣犯逃回銷毀刺字照毀字律治罪

乾隆二年四月刑部咨據晉撫石 咨解邢存善從遣所脫逃被獲  
一案緣邢存善籍隸江南上元縣因姦拐隣居邱才盛之女潛竄拿  
獲審擬解部發鄂爾坤種地因衣食無度於乾隆元年七月二十七  
日夜乘間脫逃中途自取石灰銷毀面上刺字至九月初六日抵殺  
虎口被兵役盤獲訊審邢在善並無行兇為匪情事除邢存善逃後  
並無行兇為匪應枷號兩個月輕罪不議外應照銷毀刺字例枷號  
三個月杖一百補刺將邢存善解部仍發原遣處枷責交與該管官  
嚴行管束等因到部隨即嚴訊邢存善供我原名叫邢嵩山於雍正  
十年十月間姦拐我凡初之女狄二姐解部發鄂爾坤種地在山西  
右玉縣審時因聽不清我的話所以與原案名字不符是實等語查  
該犯供吐與晉撫所咨併發遣原案相符除兵牌咨送兵部外該撫



既稱邢嵩山迯後並無行兇爲匪情事應照銷毀刺字例枷號三個月杖一百補刺仍發原遣處枷責管束等語應將邢嵩山補刺各送兵部照乾隆元年五月內定例改發庶菓烟瘴少輕地方交與地方官枷號三個月滿日杖一百嚴行管束并知照該撫可也合咨前去查照施行

三次行竊遣犯自配迯回仍擬枷責

乾隆三年三月刑部咨准提督拏送張七從發遣處迯回行竊一案審擬張七供我係東城民今年二十三歲了並無妻室我從前因三次行竊被提督衙門拏獲送部經刑部湖廣司審明雍正十一年三月內將我面上刺字發遣鄂爾坤地方今年六月內我從鄂爾坤地方迯回閏九月二十一日五更時分我到火藥局地方越牆進趙大家內偷出兩把葱走時被獲是實此外並無爲匪亦無偷竊別的東西等語查定例平常發遣人犯迯走後如犯該管杖者應於迯回並無行兇爲匪例應枷號兩個月之外再加號一個月等語今張七係三次行竊發遣鄂爾坤之犯由遣所迯回竊葱兩把計賊罪止杖責應照例仍發於原遣處枷號三個月杖一百但鄂爾坤地方已經停止發遣且該犯又無妻室在鄂爾坤應將張七咨送兵部遵照乾隆



元年五月內定例改發廣東烟瘴少輕地方俟發遣到日將該犯枷號三個月杖一百折責四十板交與該地方官嚴行管束所獲葱兩把提督衙門已經給還事主領回應毋庸議仍知照廣東巡撫可也合咨前去查照施行

遣犯乘間登岸自縊

雍正十一年八月刑部咨覆據廣撫楊 咨稱南海縣差役何元等疎脫遣犯李岳秀潛逃自縊身死一案緣李岳秀係同廖亞九等行劫茂名縣生員盧世魁家案內免死減等夥盜于雍正十一年二月十七日遇撥差役何元孔瑞并城守營千總梁勇撥兵張文貴曾國彥親督管押出城因登舟之後適遇風雨大作不敢開行船泊五仙門外海旁時值日暮千總梁勇回汛巡防是夜兵役四人在船輪流看守何元承值四更因倦熟睡李岳秀畏懼遠遣乘機潛出船艙登岸窺鐘朝光柴寮無人睡宿遂至寮內自縊身死兵役醒覺喊同地保街民劉廷燮等追尋無踪迨至黎明始在柴寮尋獲身屍報縣嚴審何元等供稱實因倦睡失于覺察致被潛逃自縊並無受賄故縱逼勒致死情弊將差役何元孔瑞兵丁張文貴曾國彥均擬以待杖



柳號照律免罪分別革役革糧所有僉差不慎職名武職係廣州城守營右哨千總梁勇文職係署南海縣事來粵試用左興但脫逃人犯已經自縊身死僉差不慎職名應請免議等因前來查該撫既稱何元孔瑞張文貴曾國彥均合依發遣黑龍江寧古塔等處人犯沿途解送不謹慎看守以致脫逃者照押解中途不覺失囚減囚罪二等律杖一百徒三年再柳號一個月但查律載獄卒不覺失囚若囚已死者免罪今李岳秀脫逃已經自縊身死何元孔瑞張文貴曾國彥均應照律免罪等語應將何元等照律免罪仍行分別革糧革役其僉差不慎職名應否免議事隸吏兵二部應將原咨送吏部會同兵部議可也

軍犯在軍處脫逃

康熙二十九年九月晉撫葉 䟽陽高衛軍犯梁寶不加意看守致其潛逃所有專管守備等理合題參查統轄都司邱 太原府知府甘 係文職應交與吏部議應將甘 照例于現任內罰俸一個月



內地軍犯自配逃回不應照外遣逃犯擬罪

雍正十三年十月刑部議覆湖撫鍾 疏稱鍾次方李鳳係湘陰縣典史捕役因誣拏傳之先為賊致傳之先服毒身死擬軍在配脫逃行至平江湘陰交界地方起意行竊商知李鳳等齊至顧尚德家挖開後墻入內摸取箱子一個并藍布小衣由原孔而出回至荒山俵分而散歷審不諱將鍾次方李鳳照平常發遣人犯逃走後有行兇為匪例擬斬立決等因具題查例內免死減等發遣黑龍江等處人犯在逃潛匿者被獲之日照例於發遣處即行正法等語蓋指免死減等強盜及三犯竊盜吃酒行兇等項一應外遣人犯而言至於充軍人犯俱係內地原輕於外遣之罪其有又犯別罪者依律俱照流罪科斷原不與外遣人犯一例同科也今鍾次方李鳳原係擬發邊衛永遠充軍從內地衛所逃回之犯乃該撫因其逃後行竊遽照外



遣人犯逃後爲匪之例擬以斬決未爲允協應令該撫詳悉妥擬具  
題到日再議奉

旨依議

軍犯中途脫逃限滿不獲

康熙二十九年十一月吏部覆直撫于成龍題宛平縣脫逃軍犯五  
子一年限滿未獲一疏查兵部定例內充軍人犯中途脫逃者不差  
的當兵丁押解之營弁住俸戴罪勒限一年督緝限內不獲罰俸一  
年案候緝拿等語脫逃軍犯原屬一事而文武處分互異嗣後軍流  
徒等犯中途脫逃限滿不獲者俱照此例遵行奉

旨依議



軍犯潛匿京師為匪

康熙五十七年八月刑部議得准提督隆 題送原任浙江黃岩總  
 兵官革職擬軍仇機同伊子仇一敬仇一信潛任京師為匪一案夾  
 訊仇機父子等俱各自行招認查律內凡官吏人等為事間發克軍  
 來京潛住者發邊衛充軍等語仇機係貪贓犯罪革職擬軍之犯十  
 有餘年不完贓銀及至發遣又逗留不去與伊子仇一敬仇一信在  
 京潛住行詐誑騙置造遮掩車子招搖甚厲惡亂情由可惡不便照  
 此律治罪應將仇機擬斬監候秋後處決仇一信同伊兄父潛在京  
 師不守本分與李天民等借鑄鼎名色各處邀人希圖誑騙亦屬兇  
 惡除為首脫逃之奉天鉄嶺縣民李天民嚴緝務獲審擬外應將仇  
 一信陳積善俱僉妻流三千里至配所杖一百折責四十板郎三李  
 廷景等李天民仇一信將鑄鼎告知伊等不即舉出不合應將郎三



李廷景俱照知情不首律杖一百郎士一本名卽振岐係監生應革去監生李廷景係旗人鞭一百年滿千總江才係聽見說鑄鼎之事與相約知情者不同相應免議仇一敬因伊父賍銀着落伊身賠補躲避來京及查拿時又鑽竇陳鵬年未經拿解空文申覆應將仇一敬照例責四十板徒三年但伊父所欠賍銀係在伊原籍如臯縣追取應暫行停其治罪將仇一敬遞回原籍交與該撫將未完賍銀一千餘兩限一年追完發配如一年內不完報部從重治罪原任霸昌道陳鵬年將應拿解之人不令拿解反徇護親戚囑托屬官空文申覆應將陳鵬年照徇情例降二級調用查陳鵬年已于別案革職其降級之處仍行註冊北路同知張充國宛平令李采將應行查拿之人不行拿解聽從上司之言卽便空文申覆亦屬不合應將張充國李采俱照徇情例降二級調用不知姦色佐領同李天民等鑄鼎并

原任寧夏都司華四尚原任山東恩縣令孫秉彝相應行文八旂各原籍五城宛大二縣勒限嚴緝獲日另結幫助仇機贖罪銀兩之原任江西瑞州知府范大成現任福建延平府知府任宗廷代添銀兩給仇機贖罪之原任山東兗州府泃河通判吳輔聖原任福建汀州知府吳澍應行文江寧福建巡撫俱取其確供送部到日再議并將仇機發遣之時任意縱釋令其各處行走之山東滕縣并容留仇機之各地方官并各上司職名應行文各該撫逐一查明題奏等因具題大學士馬齊折本啓奏奉

旨仇機係惡棍各處訛詐行走之人着問九卿伊等秉公具奏將此案亦交與九卿議奏欽此查仇機在黃岩做總兵時勒取陳君銀兩聽屬員歛分祭奠又縱子仇三倚勢爲惡又取漁船陋規銀兩革職擬軍之犯及至發遣逗遛不至配所各處行走訛詐十有餘年不完正項



贓銀反行贖罪來京潛住又行訛詐置造遮掩車子招搖明係光棍  
 不便擬斬監候應將仇機改照惡棍設法索詐不分得財與未得財  
 為首例擬斬立決署霸昌道陳鵬年將擬以軍罪之人贖罪實收差  
 人轉送又將應拿完贓之人以親屬徇情囑托屬官空文申覆有玷  
 官箴應將陳鵬年革職查陳鵬年已經別案革職應無庸議究平令  
 李采以應拿追贓之人奉上司牌文不即行拿解反聽信陳鵬年之  
 語謊稱仇一敬已經回南空文申覆甚屬不合李采應降二級調用  
 不准加級抵銷餘仍照前議奉  
 旨仇機着即處斬餘依議

武職私縱軍犯脫逃隱匿不報官員處分

康熙二十三年五月兵部議河間衛守備張國幹私縱軍犯于三脫  
 逃隱匿不報官員並無處分定例相應比照凡官員于所屬見任官  
 潛逃不行申報罰俸一年奉

旨依議



遲報軍犯脫逃

康熙三十四年六月兵部覆廣撫高承爵題軍犯張得功脫逃一案守備戴晉侯一年方報等因前來應將守備戴晉侯比照欽部件遲至一年以上者降二級調用上司官都司杜邦璪罰俸三個月奉

旨依議

軍犯脫逃遲報照徇隱例議處并因公出境仍行議處

康熙五十一年三月兵部議覆刑部咨稱陝督鄂海以寧夏左衛軍犯鄧三劉小成袁三同逃于康熙五十六年正月初八日鄧三到常熟縣就經拿獲經今載餘該衛隱不通報所有寧夏左衛守備饒上珍疎縱隱諱職名一併咨叅寧夏同知有統轄之責因署豕西路在中衛料理渠務因公出境應照例免揭至疎脫袁三劉小成二犯之寧夏衛職名現在查揭到日另報等因前來查定例內軍犯私回不行查明者罰俸一年等語今鄧三脫逃二次一載有餘該衛疎縱隱諱並不呈報不便照此例議處應將寧夏左衛守備饒上珍照徇隱例降三級調用查中衛左衛總屬該廳統轄之內且軍犯脫逃例內並無因公出境免議之條應行令該督將統轄寧夏守廳職名補叅至疎脫軍犯袁三劉小成該督既稱查叅寧夏衛職名到日另報



等語應俟查揭到日再議其軍犯不行查出該管都司亦有處分應行令該督照例查奏可也奉

旨依議

流犯假冒貿易逃回

康熙十七年八月刑部據奉天府尹金 疏稱流徙人張七假冒呂家齊擅給路引等因張七劉啟倫等合依凡不應給引之人而給引及軍詐為民民詐為軍若冒名告給引者並杖八十律應各杖八十經歷司擅給路引并告病之處應交與吏部議奉

旨流徙人犯冒領引入關這所引律是否相合着再議具奏欽此查先因張七冒起路引擬依凡配遣囚徒及軍詐為民民詐為軍若冒名告給引者並杖八十律張七雖起路引但係流犯假冒貿易之人起引逃回原籍張七合改依凡流犯逃者罪止杖一百律應杖一百保人劉啟倫等仍照前擬各杖八十餘照前議奉

旨依議



流犯安置脫逃

康熙三十年二月廿撫伊 疏流犯張文連奉發狄道縣安置暗行  
脫逃吏部議應將該管之典史王 照例罰俸六個月統轄之臨洮  
道姜 照例罰俸三個月

流犯逃回行竊拒捕傷人

雍正九年九月刑部會議覆逃回流犯薛長拒傷元和縣捕役李陞  
一案據蘇撫尹 疏稱薛長即蘇儀元和縣人因行竊陶揚武案內  
擬流安置由配所逃回被獲補遣復於雍正八年四月初一日潛逃  
至蘇住頓孀婦宋老媽家與伊繼子宋如在外夥竊不識姓名兩家  
至八月二十三日經捕李陞等察知往拿薛長拒捕持刀戳傷李陞  
右後肋逃匿孫朝家內孫朝領捕搜拿薛長情極自行刎頸獲解到  
縣歷審供認不諱將薛長等分別擬以絞杖具題應如該撫所題薛  
長合依犯罪拒捕毆所捕人至折傷以上律擬絞監候秋後處決照  
例刺字該撫既稱失察容留逃流之地方韓仲先合依不應重律杖  
八十照例先行折責發落仍革役容留薛長之宋老媽據供不知薛  
長犯罪逃回及行竊情事且年逾八十與無干之孫朝均應省釋等



語均無庸議又該撫阮稱薛長等行竊不識姓名兩家查無事主出  
認等語應將贓物追變入官脫逃賊犯未如緝獲另結至薛長在配  
所脫逃主守人等有無賄縱情事疎縱職名應否叅處應令西安巡  
撫查明報部奉

旨薛長依擬應絞着監候秋後處決餘依議

流犯帶眷脫逃該管官加重處分

雍正六年四月吏部覆刑部咨稱福撫常 疏稱廣東省流犯鄧亞  
四併妻何氏咨解到閩押發同安縣安置今據詳報流犯鄧亞四同  
妻何氏脫逃將疎縱之署同安縣典史事泉州府照磨王世遴等指  
叅等因具題奉

旨王世遴等着議處具奏流犯鄧亞四同妻脫逃與單身逃遁者不同若  
平時加以約束或臨時即行追捕均不至於兎脫無踪觀此則該縣法  
度之廢弛可知矣嗣後逃走之犯有攜帶妻子一同走脫者將該管官  
從重處分並着該部定例具奏欽此將原抄送吏部議等因前來除此  
案疎縱鄧亞四之該管各官臣部另行彙題外查定例軍犯在充軍  
之處脫逃該管官罰俸六個月統轄官罰俸三個月等語嗣經福撫  
常 以疎脫流犯各官處分甚輕題請該管官及兼轄官於初叅處



分之後仍限一年緝拿如限內不獲各罰俸一年等因刑部會同臣部議覆限滿不獲該管官罰俸一年兼轄官罰俸六個月在案至流犯攜帶妻子脫逃之處尚未定有處分查流犯單身逃遁者易於潛踪若攜帶妻子脫逃本易盤詰即行追捕何難弋獲其有兇脫無踪者皆由該管各官平時既不嚴加約束臨時又不上緊追捕以致疎縱遠颺若與單身逃遁者一體處分實未允協嗣後除流犯單身逃遁者該管各官仍照定例處分外如攜帶妻子脫逃者初叅將該管官罰俸一年兼轄官罰俸六個月俱勒限一年緝拿限滿不獲將該管官降一級留任緝獲之日准其開復兼轄官罰俸一年如此則處分之輕重得宜而流犯亦不至有疎縱矣

命下之日通行直隸各省一體遵行奉

旨依議

接遞人犯不行查出頂替及少差解役

雍正七年二月吏部議准刑部咨據安撫魏 題桐城縣流犯吳振來之妻錢氏因病將僕婦陳氏頂解一案緣吳振來之妻素患瘋癲伊母吳阿錢不忍伊媳遠行令老僕進發之妻陳氏頂昌起解進發亦願同行吳阿錢給縣差章文張快各制錢二千文賄買聽其頂替又令工人奮子送錢一千文與經承姚懷曾囑勿道破前署縣事盧江縣知縣鄔廷幽當堂點解路經舒城合肥二縣均未查出舒城經承又少填解役二名迨至壽州吳振來因病留養經知州鮑學諄查對錢氏年貌不符審出頂替情弊各認不諱照律擬以杖笞分別枷責發遣所有失察衙役犯贓之前署桐城縣知縣鄔廷幽不行查出頂替並少差解役之舒城縣知縣趙良暨等指叅將原咨送吏部議等因前來除合肥縣代僉典史周樞已經休致無庸議外應將失察



刑部題 卷二十一  
衛役犯贓之鄔廷幽照例于現任內降二級調用有加一級應銷去  
一級抵降一級仍降一級調用接遞不行查出頂替並失察少填解  
役之趙良墅照例罰俸一年奉

旨依議

流犯買妾頂妻同命文自配逃回

乾隆元年十月刑部議據廣撫楊 咨稱遂溪縣安置流犯陳陽脫  
逃獲回一案緣陳陽原籍福建漳州府南靖縣因致死無服族叔陳  
藉擬絞經秋審免死減等擬流之犯准福撫咨解來粵轉發該縣折  
責全妻莊氏安置詎該犯於雍正十三年五月初八日乘間脫逃據  
街長盧榮赴稟典史報經前縣張令拘訊流妻莊氏供稱我係陳陽  
之父陳委買妾頂替正妻莊氏起解等情當經前縣脩移原籍查緝  
去後隨據南靖縣關稱流犯陳陽已於雍正十三年六月二十四日  
拿獲全正妻莊氏收禁候咨補遣等由嗣准福撫咨解到案訊明陳  
陽脫逃及買妾頂換情由并街鄰盧榮並無賄縱情弊將陳陽照例  
擬以枷責加徒援免盧榮等並無受賄縱放情弊且流犯已經限內  
緝獲均應免議至陳陽之父陳委買妾頂解及押解兵役有無受賄



情弊應聽閩省就近審結所有踈縱職名勘管係遂溪縣典史王元烈兼轄係原任遂溪縣知縣張薰至統轄職名係在未定例之前毋庸開報再查陳陽係雍正十三年五月初八日脫逃即於六月二十四日拿獲係在百日之內且事在

恩詔以前所有踈縱各職名均應免議等因應如該撫所擬陳陽合依流犯在配脫逃緝獲例枷號兩個月責四十板仍發原配地方加徒役三年但事犯在雍正十三年九月初三併十一月十四日兩次

恩赦以前相應援免仍將陳陽并妻莊氏及頂換之妻一并交保長收管約束街長盧榮鄰佑王魁陳武房主王氏並無受賄放縱情弊且流犯已經限內緝獲均毋庸議盧榮仍革役至陳陽之父陳委買妾頂解及押解兵役有無受賄情弊之處應令福撫審擬報部其踈縱各職名應不免議事隸吏部應將原咨送吏部議可也為此咨咨前去

查照施行等因咨院行司奉此案經本司按察使覺羅倫達禮查得陳委買婦中途抽換流婦莊氏一案緣陳委之子陳陽因致死陳藉擬絞於雍正十二年秋審免死減等奉准部覆僉妻莊氏流配廣東當經南靖縣驗明發解詎委因年老念氏孝順不忍遠離遂憑姝郭文志價買楊友成所買婢婦詭稱為子陳陽作妾用舟載至途次龍溪縣轄天寶地方私免解役謝觀黃傑乘營兵上岸換解陳委送給謝觀等謝錢五百二十文轉遞粵省經配所收管併咨覆在案嗣陳陽於配所逃回雍正十三年六月間縣役陳選又訪知莊氏在家先後獲解南靖縣通詳奉批飭審隨行漳州府審擬去後續據該府申詳請將陳陽等先行起解等由到司業經詳奉給發咨牌起解在案茲據該府將陳委等審擬詳覆前來本司查莊氏係流婦因夫連累與正犯有間今陳委先雖買頂抽換後聞差挈仍復送官查頂解犯



屬律無正條疎委應如該縣府所擬比照隱匿入官人口一名例杖七十徒一年半年逾七十照例收贖解役謝觀黃傑除得贖一兩以下輕罪不議外合照知情故縱與全罪律杖七十徒一年半追錢五百二十文入官但陳委等俱事犯在

赦前均應援免謝觀黃傑仍革役追贖入官護解兵丁不覺失囚已經他人捕得照律免罪賣婢楊友成媒人郭文志并約保人等據訊並不知情均毋庸議所有失察衙役犯贓及僉差不慎各職名事在赦前併予援宥免開合就詳候察奪批示

買人頂解

雍正八年十月刑部覆先據福撫劉咨稱黃四係南安縣免死減等流犯詎黃四解省之時與熟識之車九一相遇商謀買頂黃四先交車九一銀三十兩九一代覓乞丐王堅并妻蔡氏頂解因省中不便私換黃四又交九一銀十四兩令其買囑兵役古田縣汎兵張鎬盧長遴得銀七兩古田縣解役王亮得銀七兩後黃四遁解至古田縣點撥縣役王亮楊朝劉仲并王亮雇替頂名縣役馮瑞之藍周助與汎兵張鎬盧長遴黎長盛林慶一同管押出城行至數里王亮將楊朝劉仲遣回黎長盛林慶各因發痧脚痛亦即回歸惟張鎬等四人押至清風嶺車九一率領王堅蔡氏先在彼等候遂頂換起解黃四又謝車九一銀三十兩隨同妻戴氏躲避上遊地方嗣王堅蔡氏解至江南寶應縣病故業經咨明在案雍正六年九月間黃四聞伊



父死携妻潛歸隣佑黃威振係黃四胞叔不忍首報保長戴盾聞知  
往查乘機索詐黃四銀十兩互相容隱比黃四正欲挈妻他往被縣  
訪拏歷審不諱將黃四照流犯在配所脫逃例僉妻解發原配所地  
方枷責加徒車九一照教誘人犯法律擬流年逾八十照律收贖黎  
長盛林慶劉仲馮瑞俱照中途不覺失囚律擬杖革役戴盾照枉法  
贓一十兩律擬杖張鎬盧長遴王亮楊朝藍周助俱經身故毋庸置  
議黃威振係黃四胞叔得相容隱應免議等因咨部臣部以黃四先  
因毆死親叔黃業振擬以立決具題奉

旨改爲擬斬監候嗣于雍正元年恭遇

恩詔因該犯救父情有可原將黃四議以免死減流奉

旨依議欽遵咨行在案黃四既經援

赦仍不改惡又賄買王堅夫婦頂名起解干犯法紀承審官止照配所脫

逃例擬以枷號杖徒殊爲輕縱至汛兵黎長盛林慶縣役劉仲馮瑞  
與張鎬等一同押解黃四行賄頂換豈有不得銀之理再保長戴盾  
知情詐贓匿不舉報均屬受財故縱何得僅擬杖責行令該撫再加  
嚴審妥擬具題并將徇縱各官查叅去後今據該撫劉（疏稱覆加  
研訊供情無異查黃四原擬斬決奉

旨改爲擬斬監候逢

赦免死減流仍不改惡干犯法紀應仍擬斬監候係行賄買人頂解法難  
寬宥應行刺字戴盾知情詐贓匿不首報照知情藏匿罪人律杖一  
百徒三年黎長盛林慶劉仲馮瑞嚴訊並無受賄故縱情事俱炤中  
途不覺失囚律各杖九十徒二年半車九一續經病故毋庸議黃威  
振應免議等因具題除張鎬王亮盧長遴楊朝藍周助車九一王堅  
俱已病故均不議外黃四應仍擬斬監候刺字戴盾知情藏匿合依



減罪人所犯罪一等律徒三年至配所責四十板黎長盛林慶劉仲  
馮瑞中途失囚合依減囚罪二等律各徒二年半至配所責三十五  
板黃威振係黃四胞叔律得容隱免議戴楨張鎬盧長遴王亮藍周  
助車九一所得贓銀均着落各犯家屬名下照追入官僉差不慎之  
古田縣知縣趙引煥已經另案革職接遞之古田汎千摠陳元美既  
係調赴考驗因公出境均毋庸議承審各官已經遵例改正免其議  
處奉

旨依議

流犯脫逃隱匿不報處分

雍正九年八月吏部議覆刑部咨稱福撫趙 疏稱廣東流犯黃崧  
同妻邱氏於雍正七年正月內咨解到閩轉發福清縣安置訪聞黃  
崧久經棄妻脫逃該管印捕各官漫無覺察又不具報迨雍正九年  
四月十一日差弔驗訊而福清縣知縣何士鏞捏稱初一日伺候點  
卯後前往長樂縣取銀為詞含混支飾及再行飭提始據覆稱黃崧  
因伊母年老暫回原籍省視查奉發流犯俱係命盜案內減等免死  
之囚福清縣知縣何士鏞典史祝從義漫無覺察既疎縱于前復捏  
飾于後其失察之咎尤與尋常逃流之案不同若不嚴行叅處則積  
玩相沿究難整頓所有疎脫流犯隱匿不報之福清縣知縣何士鏞  
等相應題叅等因前來查定例重犯脫逃未經查出出結後被旁人  
出首者州縣降二級調用等語應將疎脫流犯隱匿不報之福清縣



知縣何士鉉典史祝從義均照例各降二級調用查典史祝從義係無級可降微員相應革職再查定例文職未入流等官遇有應降調之案在三級以內令該督撫將該員居官如何之處聲明如居官好者議以革職留任三年無過開復居官平常者議以革職等語應行令該撫將祝從義居官如何之處聲明到日再議奉旨依議其因流犯既逃隱匿不報降調之何士鉉俟伊任內事件交代清楚着該督撫將伊居官如何之處出具考語送部引見

流犯脫逃限滿未獲接緝各官例無議處

乾隆二年八月吏部咨准刑部咨稱署廣撫鄂以石城縣流犯劉隆某於雍正十三年六月十二日在配脫逃一案限滿未據獲報將承緝不力原署石城縣典史章震基等咨忝并聲明接緝不力府廳例無處分職名似可免開移行吏部查議等因前來查此案專管承緝之原署石城縣典史章震基承緝不及百日已經離任無庸議接緝之現任典史盧得英兼轄接緝之石城縣知縣張恕并接緝之府廳俱例無處分均無庸議未獲逸犯照案緝拏仍咨該撫知照



刑部議覆河督田 咨稱汲縣疎脫之首丁陳富榮  
 係廣東咨解轉發該縣充當水火夫之役將疎防之汲縣知縣李廷  
 秘等咨參前來應將汲縣知縣李廷秘照例罰俸六個月衛輝府知  
 府馬駮雲照例罰俸三個月俱限一年緝拿奉  
 旨依議

首丁脫逃各官處分

雍正九年九月吏部議覆河督田 咨稱汲縣疎脫之首丁陳富榮  
 係廣東咨解轉發該縣充當水火夫之役將疎防之汲縣知縣李廷  
 秘等咨參前來應將汲縣知縣李廷秘照例罰俸六個月衛輝府知  
 府馬駮雲照例罰俸三個月俱限一年緝拿奉  
 旨依議



私放徒犯

康熙三十四年三月吏部題覆湖督吳 咨原任宜章縣擬徒知縣  
 潘 徒限將滿該驛丞范廉憐憫潘 病篤私自釋放潘 歸家卽  
 故范 原無受賄情弊照擅行發配例處分奉  
 旨依議



徒犯脫逃照軍犯處分

康熙四十三年三月刑部會看得新城縣斗級王朝祿踈脫徒犯沙  
二一案准直撫李光地疏稱康熙四十二年六月二十四日沙二窺  
王朝祿在房做飯假稱往井汲水乘間帶鐐脫逃遍找無踪歷審委  
無賄縱情弊將王朝祿擬以杖罪具題前來王朝祿合依主守不覺  
失囚者一名杖六十律杖六十折責二十板仍革役脫逃沙二緝獲  
另給再該撫疏稱新城縣汾水驛丞俱係該縣兼管所有新城加縣  
曹彙相應指參查定例內軍犯在克軍之處脫逃者專管官罰俸六  
個月等語應將曹彙罰俸六個月奉  
旨知道了

紅苗聚眾爭毆

雍正八年 月刑部議覆廣撫金 疏稱來賓縣獍民常扶石有祖  
遺田一塊坐落黃嶺村常扶石因欠糧逃走着落常道善賠納承耕  
已經九載雍正五年八月二十八日常扶石復圖自種遂帶工人常  
扶添等各執鳥鎗同至黃嶺村村老覃富登因常扶石從前逃走村  
人賠累遂拒阻不容進村常扶添即放鳥鎗打傷村人常扶花等覃  
扶元亦放鳥鎗打死常扶添常扶添之弟常扶禁還鎗打死覃扶元  
歷審不諱將常扶石擬斬監候常扶禁常扶美俱擬以枷責經臣部  
議覆將常扶石依苗民聚眾殺死人命為首例擬斬監候刺字常扶  
禁依下手之人例枷號三個月等因具題奉

旨依議欽遵行文去後今據該撫疏稱常扶石等審擬具題之後押發來  
賓縣監候于雍正六年十一月三十日至馬平縣新坡村常扶石邀



解役熊文等同至伊胞弟常扶新村內吃飯常扶石同胞弟常扶願  
常扶新私商逃走常扶願常扶新同送至都滾村前常扶願又叫村  
內居住之常扶有常道觀協送至黃嶺村因已昏暮共宿于常扶得  
家解役熊文等飲醉睡熟常扶石同常扶禁常扶美及常扶願等即  
行逃竄嗣據先後緝獲常扶石等到案歷審不諱將常扶石依負罪  
潛逃例擬斬立決常扶禁常扶美係獐民仍擬以枷責常扶願依私  
放囚人逃走與囚同罪律擬流常扶有依爲從律擬徒均係獐民照  
例枷責解役熊文等擬杖其脫逃之常扶新常道觀獲日另結并聲  
名常扶石中途脫逃尚在未奉

上諭刊刻木榜監立監內曉諭之先可否仍行監候聽候部議等因具題  
查定例負死罪潛逃之犯被獲該斬監候者立決等語雍正七年四  
月十二日奉

旨趙玉田群劉五本係竊賊愚人未知有脫逃加倍治罪之例趙玉仿照  
舊例擬絞監候秋後處決田群劉五亦照例食流餘依議其監犯脫逃  
加倍治罪之例着各省督撫轉飭各屬刊刻木榜于獄中張示犯人進  
監便令曉諭庶免不知誤犯其他禁約監犯之條亦着詳明榜示俾各  
凜遵則受刑者不枉矣欽遵在案今常扶石等中途脫逃在未奉

上諭刊榜監立監內曉諭之前常扶石應仍照原議擬斬監候常扶禁枷  
號三個月常扶美枷號四十日各責四十板常扶願合依私放囚人  
逃走者與囚同罪至死者減一等律杖一百流三千里係獐民照例  
折枷號兩個月責四十板常扶有合依爲從減一等律杖一百徒三  
年係獐民照例枷號四十日折責四十板解役熊文張振栢磨仁胡  
煥均無賄縱情弊且于限內拿逃應免科斷但遠道貪飲以致常扶  
石等脫逃俱應照不應重律杖八十革役常扶新常道觀獲日另結



奉

旨依議

踈脫遞解竊盜釋放為民之犯免叅僉差不慎

康熙四十五年六月吏部覆先據刑部咨稱直撫趙以柏鄉縣遞解部發人犯閻大經于康熙四十四年十月二十二日遞至中途脫逃將僉差不慎署柏鄉縣事保定府陞任理事通判瓦渾泰指叅原抄咨送吏部議本部查僉差不慎俱論罪之輕重分別處分閻大經應擬何罪之犯移咨刑部查明去後今准刑部咨稱閻大經係遞發河南武安縣審明竊盜情由結案釋放為民之犯等因咨覆前來查閻大經刑部既稱釋放為民之犯其署柏鄉縣事保定府陞任理事通判瓦渾泰應毋庸議



疎脫入官人犯武職少撥護兵議處

康熙 年 月 吏兵二部議劉勝係入官謝日勝家人同伊主自京逃出隨被江西巡撫拏獲解至銅陵地方脫逃銅陵知縣馬得正差姚太徐貴二役管押劉勝俱有家產正役無受賄故縱情弊照例免議千總李汝澤沿途少撥護兵以致脫逃此無定例應比照護解兵丁與逃人同逃者該管官罰俸一年之例罰俸一年奉

旨依議



遞送廢官脫逃僉差官照卑流人犯處分

康熙五十七年五月吏部議查先經奉天府府尹屠沂呈稱廣西北  
 流縣革職典史魏士傑家口並無別籍無憑安插等因又據廣西巡  
 撫陳元龍咨稱魏士傑逃至江南蕪湖縣不遵例遞解乘船而去咨  
 明臣部隨移咨安徽巡撫查明魏士傑現在何處逗留留作速遞送回  
 籍并將疎縱職名查叅去後今據安徽巡撫李成龍查明魏士傑在  
 銅陵縣差役遞送至蕪湖縣不候稟開放揚帆脫逃審無賄縱將  
 僉差不慎之銅陵縣知縣孫仲樞職名咨叅并請通行查緝等因應  
 將銅陵縣知縣孫仲樞照例住俸限一年緝拿仍令各省并直隸巡  
 撫將魏士傑查緝可也奉

旨依議



遞送廢官交付不明

康熙十年 月吏部覆贛縣知縣劉翰芳因遞解廣東解任蘭  
一元等六員順流而下解後止將空文到萬安縣及至遞送廢官交  
付不明應照解任官員回旂該管官員起解之先不行報部例罰俸  
一年

